

ZEMABAW HISTORY

(The Records 1870—1899)

**By
Lalchhuamawia Hnamte**

Mizoram State Library
DG877



**MZ
954.166
HNA**

DATE LABEL

MIZORAM STATE LIBRARY

The book taken from the Library is to be returned within 7 days. A fine will be charged under the rules of the Library for each day the book is kept beyond that time.

Date of Issue	Due Date	Date of Issue	Due Date
24/03			
17/04/2012			
31/12			
7/12/2011			

N.B. :- Book lost, defaced or injured in any way shall have to be replaced by the borrower.

Mizoram State Library
DC 877

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

Zemabawk History
(The Records 1890-1990).

By : Lalchhuanmawia Hnamte

Publisher : Hauva & Sons Bara Bazar, Aizawl.

Printer : Hauhlira Press Saron Veng, Aizawl.
Copies : 900

Copy right : Reserved

STATE LIBRARY
Acc No DG. 877
Acc by Sh.
Class by lit.
Cata by _____
Sub.Heading by _____
Transcribe. by _____
Location No. 14

THUHMAHRUAI

Ram leh khua rêng rêng hi tuna a dinhmun ang hi amaha lo ni chho mai a ni lo va, mi tam takin khawlangah thahnemngai tak maia an lo beihna leh rilru leh tihnak zeta tih tur awm apiangte an lo tih thinna rah ațanga lo awm chhuak chho a ni thin.

Kan khaw hming lo timawi tawh thintute chu țhang leh tharten kan hriat reng an phu a. Chuyangin, kan khaw lo indin țan ațanga tun thlenga a dinhmun. a hun tawn leh mi chengte chanchin țhangpui ziahna 'ZEMABAWK HISTORY' bu hi siam a țul hle-in ka hria a.

Lehkhabu siam hi a harsat bakah, History bu siam phei hi chu mahni irawm chhuaka inngat lo a nih avangin a harsa leh zual, Țul ka tihna a len em avangin, ka theih ang țawkin ka chhui a, Lehkhabu hrang hrang (History bu hrang hrang, Zemabawk Chanchin, Aw Zawlkhawpui. The Lushais 1878 - 1889, Church & Political Upheaval) te ka rawn bakah, 'keima Record bu leh Dairy bute rawnin, ZEMABAWK HISTORY' (The Records 1890—1990) hi ka lo buatsah thei ta hram a ni, amaherawhchu ka thu lakna pakhat Pi Thangthluai 'kum '90-in a bu peih a nih hmain min lo boralsan ta mai a, pawl ka ti hle a ni.

Tih dik tum hle mah ila, harsatna hrang hrang a tam avangin, tih dik tawk lohte pawh ka nei nual'ang, chutiang a lo awm pawhin chhiartuten min lo ngaihdam ka ngen e, Țin, thu ka lak khawm laia min lo tanpuitute leh YMA ENG WEEKLY Editorial Board-te chungah lawm thu ka sawi e,

Zemabawk History bu hi kan khaw tana țangkai tur a nih hria a, 'Pu Hauva'n min lo chhuah (Published), sak hi a lawmawmin, Zemabawk mipui a chungah kan lawm țheuhin ka ring.

A tawp berah atan chuan he lehkhabu min lo chhut saktu HAUHLIRA PRESS chungah lawmthu ka sawi duh bawk a ni.

Lalchhuangmawia' Hnante
Duhsakna Cabin, Zemabawk.

A CHHUNG THU

THEN 1—NA

	Phok
1. Zemabawk	1—2
2. Zemabawk then hran a ni	2—3
3. Tuna Zemabawk ram dinhmun	3—4
4. Mi cheng hmasate	4—6
5. Zemabawk hming lo put tan dan	6—8
6. Zema chu tungs ni ?	8—9
7. Zemabawk Lalte	10—12
8. Lal lal lala mi pawimawhte	12—13
9. France ram kalte	13
10. Zemabawk dinhmun hrang hrang	14—25

THEN 2—NA

11. Village Council indawt	26—31
12. Zemabawk-a A.O awm tawhte	31
13. Zemabawk-a Veng hrang hrang	32—35
14. Sipai lalte	35—36
15. Sorkar hnathawk thenkhatte	36—37
16. Hmasa berte	37
17. Mizo hnam pasalhtate	37—39
18. Beauty Contest	39—42
19. Thu leh hla lam dinhmun	42—46

THEN 3—NA

20. Games & Sport	46—47
21. Kohbran lam chanchin	47—50
22. Association hrang hrangte	50—53
23. Sorkar Department hrang hrang	53—54
24. Mi namai lote	55—59
25. Chanchinbu lam dinhmun	59—60
26. Lam zink (Artist)	61
27. Zima dinhmun	61—63
28. Y.M.A. huang	63—69
29. Zemabawk lake intakhtis dan	69
30. Chawpawth huang	70—71
31. Zemabawk hla	72

THEN 1-NA

1. ZEMABAWK : Zemabawk khua hi kum 1894 atanga vawiin ni thlenga mei mit lova la awm chho zel nia hriat a ni. Chhiarpui, Mizoram Urban Census 1987-a a lan dan ang chuan tunah hian Zema-bawk khua chu, Aizawl khawpui Veng hrang hrang zinga Veng lian ber dawttu a niin, Chenna In 995, chhungkua 1155 leh mihring 5751 awma Record a ni. Tin, mi 5751-ah hian mipa 2955 an ni a, 2796 chu hmeichhia an ni.

Zemabawk hi Aizawl khawpui laili atanga tehin, K.m. 8-a hla, Champhai/Lunglei kawngah a awm a. A tlâng san zâwng hi ft 3190-a sang" a ni.

Zemabawk khua hi Aizawl khawpui chhunga Veng nuam ber a tih theih hial awm e. Khawpui boruak lum huam huam leh, ri bengchheng nuaih ngaihte hriat tur a awm ve lo va. Tin, Veng chhung mite lun, hi a mawiin, suahsualna buru pui puiah an inhnambhawih hriat tur a awm ngai lo. Kam-ding leh sumdawng mite, inblawhfa mi leh thlawhhma neia eizawngte tan leh huan siamtute tan pawha khawsak theihna hman a nih avang hian Zemabawk hian chhenfakawmna tak a nei ve tlat a ni.

Tum khat chu, Mizoram Inchai Champion, Tv. Vanlalduata kha, Sport lam pang zira Zemabawk a Camp a rawn neih tum khan, "Zemabawk khua hi engtiang angin nge i hmuh?" tiin ka lo zawt chawt mai a. Ani chuan, "Veng nuam tak leh belhchian dawl tak khua niin ka hria, Zemabawk hi talkhata

ka lo briat danah chuan Veng pawp tak, Zu leh K S. tamna ang n ka lo hria a, mahse a hmun ngeia ka rawn cher, chih pawh hian chutiang ang reng chu ka hmu ta si lo va, mak ka ti zawk hial! Veng dang atanga lo kal tei mai mai, chin briat loh mi thenkhat awm leh zauh thin tei avangin, Zemabawk hi a thang chhe laklawh mai mai a nih hi, YMA leh VDP-te an chak that ziate hi a hmun ngeiah ka hmuin ka rawn hria a, Zemabawk hi belhchian dawl khua an lo nih hi," tum min chhang

Zemabawk ah hian Zu Dawr (Bar) pakhatmah a awm lo va, Damdawi thalo (Drug) zuar emaw, hmang emaw, ngai (adict) emaw an awm lo nia briat a ni bawk.

2 ZEMABAWK THEN HRAN A NI : Lal lai lai chuan Zemabawk hi Lal pahnh awpna hnuaiah a awm thin a, tlangdung sahmul then, kawngpui zel tlak lam ram hi Aizawl lam atanga rawn awp a ni a, chhuah lam ve thung chu Sihphir lam atangin an rawn awp thung a ni.

Tlak lam ram chu 'Paliana' ram' tih a ni thin a. Paliana hi Aizawla Lushai Clerk hmasa ber dawttu a ni a. Kum 1907-1931 chhung Lushai Clerk hna a thawh lai in, Aizawl hi Lal angin a awp a. Zemabawk ram pawh chu a rawn awp tel a ni. Aizawl Thakthing Vengah a cheng thin.

Kum 1931 atang chuan Makthanga'n Pass-na fel tak neilin Zemabawk chu a rawn awp chho ve leh ta a. 'Makthanga hi Mizo zinga Primary pass hmasate

zinga 'mi a ni a. Aizawl Bawrhsap pisa (office)-a Babu lar ber a ni thin Chumi hnuin Aizawla Veng hrang engemaw zatah Lal-ah a thu ta a. Makthanga hi kum 11 chhung a Lal hman. Venghluiah a cheng thin. Kum 1942-ah a lo thih tak avangin a nau Hrawva'n a U lalna chu a rochung ta a. Kum 1952 Mizo Dist Council din thlengin Zemabawk chu a awp chho ve leh a, Zemabawk Lal, tlak lam pang awptu hnuhnung ber a ni.

Hrawva hi Mizo B.A. Pass hmasaber pahnihte a, a pakhat zawk a ni a. Boys M.E. Sikul-ah kum tam tak Headmaster-ah a tang. A fa upa ber chu K.C. Lalvunga IFS, Jamaica (USA) a India sawrkar palai hnathawktu a ni.

Tin, Zemabawk chhuah lam ram ve thung chu 'Rohrenga ram' tih a ni thin a, Rohrenga'n Sihphir atangin a rawn awp a. Kum 1905 vel atangin kum 1948 thleng a awp a. 1948 Sept 30-ah a lo boral tak avangin, a fapa Khawzanghina'n a lalna chu a lo rochung ve leh a, Khawzanghina hi Zemabawk Lal, chhuah lam pang awptu hnuhnung ber a ni. Zemabawk awptu Lalte chuan, Zemabawk chu thut hmunah ap hmang lo ve ve a ni.

3. TUNA ZEMABAWK RAM DIN HMUN :

Zemabawk khua chu then bran niin, Lal pahnih awpna hnuaiaw awm thin mahse Mizo Lalte ban an nih a, Sawrkar a dip a, Democracy, rorelna hnuai Mizoram a ban awm chuan, khaw tinin mahni Lal (Village Council) an thlang ta a. Zemabawk khua

pawh chu Village Council hrang neiin a awm ve a. Kum 1966-a Mizoram a lo buai avangin, Bung, Beraw, leh Zokhawsang khuate chu kum 1967 Jan 3 ah, Zemabawk khua-ah hrui khawm an ni a, chumi achin phe chu Zemabawk khaw ram leh huam chin a lo zau leh ta zual a.

Kum 1987 November thlaah phe chuan, Thuampui Veng phe chu V/C hran neiin a lo indang ta hial a. Tichuan, tun din hmuna Zemabawk V/C huam chin ramri chu hetiang hi a lo ni ta a ni :— The Mizoram Gazetted XVI Aizawl Tuesday 6 10. 1987 ASVINA 14.S E. 1909 Issue No 112 (A) No LAD/VC-40/87/80-6 10.87 Lushai Hills Dist. (Village Council Act 1953) angin.

Aizawl to Lunglei Road-a Pushpak Mandir Lui-kawr a zawh thla a, ramri lui a pawh thla a. Ram ri lui chu hmar chhak hawia zawhin, Muthi lui a fin a, Muthi lui chu a mawng lam hawia zawh thla zelin, Tuirial a fin a. Tuirial chu a hnar lam hawi a zawhin, chitelui a finna thlang. Chuta tang chuan chitelui chu a hnar lam hawia zawhin, Hauhuk lui a peng a, Hauhuk lui chu a hnar lama zawh chho zelin, a tanna (starting point) a pawh leh ta a ni.

4 MI CHENG HMASATE : Zemabawk-a mi cheng lo awm tanna hi chhu a harsa a, engtik kum atang khan nge, tib briat phak tawh loh atangin Zemabawkah hian mi cheng an lo awm tawh a ni.

Upa-te sawi dan chuan, Tang Vengah hian tun hmain cheng an lo awm tawh a, chung mite chu Pawiho an ni awm e an ti. Chutih lai chuan

'SELING' tib a ni a, mahse, tuna Selingah khian an pem chho ta a, Seling tih pawh chu an chhawm chho ta a ni an ti bawh. Hetia an pem chhoh kum hi kum 1893 vel kha nia hriat a ni. Seling khaw Upa leh rawn tlak awm deuhthe pawhin, engmah an hre chiang thei bik lo va. Engpawhnise, heta tanga chho te chu mi tləmtə, Seling Bangla sak tirha chho nia hriat an ni a. Seling khaw pumpui chu Zema-bawh tanga chho a. Seling khaw lo ding ta niin a sawi theih loh. Seling khaw chheh velah khian hun rei tak ata tawh kha cheng an lo awm tawh tih a hriat theih avangin.

Tlang Vengah hian mi cheng an lo awm tawh tih chu, Pu Lalhmachhuana te In vela sulhnu hlui laih chhuah atangin a hriat theih a ni.

Tin, Kawn Veng chhak tlang (Pioneer Damdawi In tlang)—ahte khian, tlai khaw hnu thlang khan mi cheng an la awm a, mahse hengho pawh hi engtik hun lai atang khan nge he lai hmunah biao an lo chen tan tih chu hriat phak a ni tawh lo. Zema-bawka sikul hmasa ber pawh he lai hmunah hian kum 1911 khan din tan a ni nghe nghe. He laia chengte hi Paihte Dampunga ho leh Chhingpuia ho an ni an ti. Upate chuan heng mi cheng ho hi Maubawh ho tiin an sawi mai thin. Maubawh pawh hi Rohrenga awpn hnuia awm a ni a. Mahse Suaka Chawngthuin a neih sak ta a ni.

Suaka hi Mizo lehkha thiam hmasa leh Sawrkar hna thawh hmasa a ni a, kum 1894 atangin, Zoram Bawhsap hnung a zui thin a. Kum 1898—1907 chhung Lushai Clerk a ni. Tin, kum 1907 atang.

hian S.I. of Police hna a chelh leh a. Mizo zinga S.I. hnathawk hmasa ber a ni. A pension hnuin Durtlang-ah a Lal ta a, Maubawk pawh hi awp ta nia hriat a ni.

Mahse Maubawk khua hi a lo ram leh ta a. A chhan nia an sawi chu Dampunga-ho hi Durtlang lam, Nauselah Mel veng turin an pem ta vek a, (Mel veng tih hi khaw kâr kawrg enkawltu, tunlaia PWD Labour ang hi an ni.) A pem ve lo, Chbing-puia-ho la awm te pawh kum 1926-a N.E. Parry Sap-in, Zemabawk a hnawh darh tumin an chhuak ta vek ni awmin an sawi.

5. ZEMABAWK HMING LO PUT TAN DAN :

Zemabawk hming lo put tan dan sawi pahin, a tichiangtu atan a chheh vel thil thlengte pawh tlem te-in sawi tel ve nghal ila a tha awm e.

Kum 1890 thal lain, Mr Daly-a Assam Police chu, Silchar Military Police Battalion mi 400 nen Aizawl an lo thleng a. Kum 1889-a Vailian (Sipai) lo chhuakte bakah an rawn chhuah belh zawm ta zel a ni. Heng hun lai hian Mizoram hmun hrang hrangah buaina a chhuak a, Mizo Lalte leh Sap sipai (British sipai) te chu hmun hrang hrangah an inkap a. Heng hun lain Aizawl leh a chheh vela Mizo Lal lam British sipai lo beitate chu, Zemabawk Lal kan hriat theih bla ber, Lalhrima te unau zaho leh Lal dangte an ni.

Tum khat phei chu Sap sipai Lal, Capt Browne-a sakawr chung a chuanga a kal lai chu Mizo lam chuan an kap thla tawp mai a. A thi ta nghe nghe, Sap sipai Lal dangte pawh kah hlum an nei nual.

Mizo Lal leh an sipaite chu Aizawl Jail tlâng leh Zarkawt velahte inkulhin, an inzâr pharh nasa mai a, Sap lam sipaite pawhin an bei ngam mai bik lo vá. (Tun thlengin Zarkawt chuan hmingah a lo put hlen phah ta a ni) Sawrkar lam sipaiho pawh lammual tlângah an inkulh mup mai bawk a ni. Mahse, engemawti tiin, an inbe rem thei ta a.

Amaherawhchu, buaina neuh neuh chu á reh fel mai thei lo va; chuvangin, Saipai an lo chhuah belh zel a, Silchar police Battalion chu Aizawlah an rawn transfer mup mai bawk a. Kum 1891 ah Capt. Loch-a (Aizawl Sawrkar In pawimawh tam tak satu) chu Mizorama Sipai Lal ni turin a lo chhuak a, 3rd Gur khas Commandent-ah a awm a. Bawrhsap hmun ruakahte pawh Bawrhsap anga thut zawk châng a nei. Ani awpna hnuaiah hian zawi zawiin, Mizoram chu a lo ralmuang chho ve ta zel a.

Tichuan, Mizoram chu Sawrkarin á cheiin a awp nghet chho ta zel a, Sipaite pawh buaina a lo reh chhoh zel avangin an muang ta bawk a. Sipai (Gorkhali-ho) thenkhatte chuan mizo nupuite an nei a. Hei hi Mizoram-a Gorkhaliho lo awm tanna a ni awm e. Sipai zinga Zema an tih mai pawh thuan, kum 1894 khan Zemabawkah hian Bawk a va khawh ta a. Chuta tang chuan kan Veng hian ZEMABAWK tih hming hi a lo pu ta a ni.

Kum a lo kal zel a, sipai bang Gorkhali then khatte pawh Aizawl atengin Zemabawkah hian an lut phei ve ta zel a. Zokhawsang Veng chho-ah te, tuna Hmangaihna Veng kan tih, thlanmual chung velahte hian In te sain an awm a, tunhma chuan helam Vengho hi chu Vaivengho tiin an ko fo nghe nghe. He lai Venga tuikhur pawh tun thlengin VAIVENG TUIKHUR kan ti hlep ta zel a nih hi. Tin, Veng-pui thlanmual pawh hi tunhma chuan, SUKADE-A In mual te an ti vel mai mai thin. Sukade-a hian thlanmual chhakah hian In a nei ni ngei tur a ni.

6. ZEMA CHU TUNGE NI ? : 'Zemabawk khaw dintu Zema chu tunge ni, a chanchin Chiang zawkin a hriat theih lawm ni?' tih hi mi tam takin min zawt thin a. He zawhna hi chhan harsa tak a ni.

'Zemabawk chanchin' Zemabawk Youth Organization-in kum 1974-a an chhuahah chuan, Zema chu, Vailian Silchar atanga lo chho ten, Vaitawng a thiam mial avanga tawnglettu atana an rawn hruai chhuah ni angin an ziaak a.

Tin, upa tam ka zawh tam takin a 'chanchin hi sawi tur an nei meuh lo va. Pa pakhat erawh chuan, Hmar hnam a ni a, Cachar District-a khaw pakhat khaw te takté PHAKIN khuaah a awm, tiin min hrilh a.

Mi pakhat veleh thung chuan, Renthlet hnam a ni, tin a hming pum chu Lalzema a ni a, a nupui chu Vailiantawni a niin, a fate pawh Liankamawa.

Lianchheuva leh Lalrinpuia te an ni a. Zema hi Zanlawn khuaah a thi a, a thlan pawh Zanlawn khuaah a awm a ti a. Zanlawn khuaa thlan lung pakhat chuan hetiang inziak hi chu a awm ve ngei mai:—

Lalzema K.67. TH 8.7. 33. A NUPUI Vailiantawni, K.40 TH 29.3.31. tih leh Kraws lem pakhat.

* Ka theih ang tawk tawkin, Zema chanchin chiang zawk hriat tumin, tualchhung mai bakab, Mizoram hmun hrang hrang, Assam ram hmun hrang hrang leh Tripura ram te leh Library-a lehkhaw hrang hrangahte ka zawng a. Kum 1988 khan Vanneithlak takin Haflong-ah Zema tu, tu lehte kan zawng chhuak ta hlah mai a. Anni sawi dan chu hetiang hi a ni :-

An pu Zema hming pum chu Thangthawijem a ni a. Hrangkhaw hnam a ni. Hrangkhawlah pawh a hnam bik chu PHIRPU hram a ni. Kum 1840 velah Lawngala khuaah a piang a, Tangpui khuaah a sei lian a. Sipai a tang a, a sipai tanna chu Dacca sipai an ti mai. Mizoramah Vailen lain a lo chhuak ve a. Mizoramah nupui neiin fapa pakhat a nei a, a nupui leh a fapa hming erawhchu an hriat sak lo. Mizoramah a awm chhung hi chiang takin an hre bik lo va, kum 1890—1896 vel niin an ring. An sawi dan chuan an khaw lamah haw leh. Tangpui khuaah baw a thi niin an sawi. Tin, an khaw lamah pawh nupui a nei a, a hming chu Khinsuandawn a niin, Hrangkhaw hnam tho a ni a. An fate pahnih hming chu Suidarthang, Hrangkhaw Lal (Kalim) leh Suidartawng an ni.

7. ZEMABAWK LALTE : (1) LALHRIMA LAL :
 Lalhrima hi Suakpuilala fa 12 zing* 7-na a ni a.
 Kum 1890 vel khan en unauzaho hi Aizawlah leh a
 chhehvel Durlang, Muthi velahte an Lal hlawn a.
 Vailian lo kapute zingah an unauzaho hian chan-
 chin au ngah hle.

Lalhrima hian tapa 2 a nei a. A fapa Lalpara
 chu Sasawng Lal a ni a, pakhat Vanhouaithanga
 chu Thungsubhiah Lal a ni. Lalhrima pawh hi
 Thungsubhiah Lal tia hriatlar tak a ni a. Hian
 hma doh kum 1895 velah khan Muthiah In 300
 khuan a Lal tawh a, chura tang chuan Zemabawk
 ram-te pawh a awp a ni. Ani hi Zemabawk awp-
 tu Lal kan hriat theih hla ber chu a ni.

(2) I ALSAVUNGA LAL : Ani hi Lalhrima nan a ni
 a, an pu Lalsavunga (1810-1821 velah Aizawl thutlu
 Lal) hming dah loh nana a hming hi sa an ni. Lal-
 savunga hi Suangpuilawn Lal tia hriatlar a ni nain,
 hemi hma dah hian Durlangah In 150 khua in a
 Lal a, ralkai chin 120 leh slai 40 a nei. Durlangah
 Suaka a Lal hma khan Lalsavunga hi a Lal nia
 hriat a ni a. Chumi houah Durlang khua hi an rauh
 san leh mai min a lang Durlang Lal hmasa ber
 chu Suaka a ni tiin mi tam takin an ngai ve tlat.
 Durlang atangin Zemabawk hi reilotē tak tak chauh
 a awp zawk a. Lalsavunga hi Zokhawsanga ramtha-
 zawlah sawn kum 1871 khan a piang a, a Lalna
 hmasa ber pawh Zokhawsang a ni nghe nghe an ti.
 Zokhawsang atangin Durlangah reilotē, Durlang
 atangin Tawngpamah a kai chho va, kum 1898 vel

khan an 'ūnau zinga upa ber Lalchbunga fa, Liankuṅga Tawngpam Lal a thih avanga Tawngpama chho a ni. Tawngpam aṭangin Phailengah, Phaileng aṭangin kum 1902-ah Suangpuilawn a han zuan a, In 300 khuain an awm a, Suangpuilawn khaw dintu han ni tain, Suangpilawn Lal tia hriat lār a lo ni ta a ni.

(3) SIAMLIANA LAL : Siamliana hi Lalhima fapa baw a ni nain, a thi hma a, chuvangin hriat zui vak a hlawh lo va, a uraute pahnih ang chuan miin an hre ve zui ta lem lo a ni. Kum 1899 chho velah khan reilotē a Lal ve zawk a, kum 5 vel chu a Lal ve hman mai thei. Zemabaw te pawh chu a rawn awp thla ve a, amaherawhchu, nupul pawh nei hman lovin, a tleirawl tan ve ēr ēr chauh tihin a thi ta a ni.

(4) ROHRENGA LAL : Siamliana a thih avangin Lalhima U, Tharruma fapa Rohrenga chu Bawlte aṭangin an chah chho va; ani hi kum 1905 vel aṭanga Lal tan nia briat a ninn, kum 1948 thleng a Lal a ni. Sihphir aṭangin Beraw leh Zokhawsangte thlengin a awp a, a Lal hun chhung hi a rei avang in hriat a hlawhin a lār hle mai. Tin, Rohrenga hian U, Lalhangkhuma a nei a, Parvatui Lal a ni.

(5) KHAWZANGHINA LAL : Khawzanghina pa, Rohrenga hi kum 1948 Sept 30-ah a lo boral tak avangin, a Lal ran chu a fapa Khawzanghina hian a chang zui a. Ani hi kum 1952 (Mizo Dist. Council din) thlengin a Lal a, Zemabaw Lal hnuhnung ber a ni.

10. ZEMABAWK DINHMUN HRANG HRANG :

(1) Lal lal lai hun: Kan sawi tawh angin, Lal lal lai hun kha chuan Zemabawk hi Lal hrang pahni awpna hnuaiah a awm a, chhuah lam chu Rohrenga awpna hnuaiah leh, tlak lam chu Makthanga awpna hnuaiah a awm a, chuvangin a mi chengte pawhin, mahni chenna lam Lal hnen lamah Lal buhchhun pawh an chhung mai a, tlak lamho chuan lo number pawh dawnte hian Aizawl-ah lo number an zu pawt thin.

Vailen hnu, Mizoram an awp ngheh chhoh lai vel hian, Zemabawk chu Melveng hmun a ni a. Tuna Tlang Veng leh a velahte Melvengho an awm a. Chuvangin, Pu Rochbinga kawmthlang tuikhur pawh tun thlengin Melveng tuikhur tih a lo ni ta a ni.

Zemabawkah hian Melveng lam hi in awm tam na lai a ni a, Kawn Vengah tlmtt, Venglai pheiah tlmtt diat diat an awm a. Mi pawh an tlen a, hriat pawh an hlawh lutuk lem lo va. Lalte pawhin, thu hmunah pawh an hmang ngai lo. Thangchhuah pawh sawi tur an awm lo va. Sechhun khuangchawi erawh chu Zathuama a awm. Ani hian Se pakhat a chhun a, Se pakhat bawkin khuang a chawi.

Kum 1895-ah Mizo vin A AW B kan nei tan a, kum 1909-ah Middle English Examna hmasa ber Aizawlah a awm a. Hemi hnu kum 1911-ah Zemabawk hian kan khaw sikul hmasa ber chu din tan ve a ni a. Mahse zirna lam ngaisang vak lo khua kan nih avangin, mumal takin zirna a awm loh chngte a awm. Kum 1924 vel pheichuan, Laibata zirtirtu chu a In tur an sak sak duh loh avangin a awm duh ta lo va.

Tin, Zemabawka kohhran ding hmasa ber chu Presbyterian kohhran an niin, kum 1911 velah baw'k din a ni a. Hetih hun lai hi chuan. Biak In inkhawmte pawh an la puithu vak lo va, Biak In chhunga mei zu khu vut vut taw'kte pawh an awm an ta. Buh ei lam erawhchu a harsa lutuk lo. Pu Hauva ten Bawng hmangin Buhhum leh Buhfaite thingtlanga mi lain, Aizawl khawpuiah leh Zemabaw'k tualchhungahte an hralh thin a. Kum 1955 hma lam kha chuan, hetiang hian nasa takin buh ei an lo chhek khawl thin a ni. Anni lo hi Bawngvulha eizawng chhungkaw thum an awm baw'k a, Aizawl khawpui' buhfai Supply-tu chu heng kan Veng mite hi an ni. Kum 1930-an phei kha chuan, Tam kum a ni baw'k a, Zemabaw'k Lal Kohrenga te chhung pawh, Sihphir atangin Zemabaw'kah Lal buh chhuri tlan' turin an rawn chhuk thla hial mai. An awma lam aia Zemabaw'k lam an tam loh zaw'k avangin.

Zemabaw'kah hian Zawlbuk pawh a awm ve ngai lo va Mahse, Bawrsap N.E. Parry khan khawtinah Zawlbuk awm tawh meuhlo chu din that lehi tur a tih avangin. Kum 1925 khan Pu Liana In hmun velah hian Zawlbuk chu sak ve a ni a. An thingnawi fawm hotu chu Hrangchala a ni a, a kum lehah chuan Zakunga a ni. Hetih hun laia thingnawi fawmtute chu Pu Hauva leh a thianteho an ni.

Zemabaw'k chu Melveng hmun a ni nain, Melveng ni lo, tlem azawng chu an awm ve tho a. Melveng leh veng lo, (melvengho hi sawrkar hnathawk an ni a) sawrkar hna thawk leh thawk lo ang an nih ve mai chu. Chutiang inawmpawh an chin avang chuan

Kum 1963 vel khan patlingin ni lëngin Rs 2 50 an hlawh thin a, hmeichhiain Rs 2.00. Kum 1964 ah choan hlawhfa Rate a sang cho ta a, patlingin Rs 5/- an hlawh ta. Tin, rambuai hma chiah kum 1965 khan Zemabawkah hian In 128 a awm.

Rambuai hma chuan Zemabawk chu thingtlang khua ngang a la ni bawk a, thlai leh thei ilote pawh tumahin hralh sum atin tin an kawmpui teh hlur lo va, a nei deuh apang ta chu tumah inhuphurbna awm lovin hlim takin an ei ho dar dar thin.

Tin. Zemabawkah hian rambuai hma atang pawh khan Dawr te a awm tawh thin a. Mo or nei te, Thingrem/ zaitnei nei te, Radio neite an lo awm tawh. Tin, Zemabawka Electric chhi hmasaber chu Pu Tlangchawma a ni a, kum 1965 khan Bawngëk Electric siamin a lo chhi tawh a ni.

(3) RAMBUAI HUN CHHUNG : Kum 1961 Oct 24, khan Mizoramah Political Party thar, Mizo mipuite rilrem tak mai MIZO NATIONAL FRONT (MNF) chu a lo ding a. He pawl hian "Mizoram chu Mizo sawrkaw ngeiin dinin lawp ila a tha ber ang. India sawrkara kan juh dawn pawhin, kum sawm hnua inhnubdawn leh theihna tia tamsa kan ni reng a ni" an ti a. An zirtirna chuan nula tlangval (thalai) lam a bneh hle mai a.

"Kan ram mipuite hming leh rem tihna in tih tak zetin, ni khat March kan Lalpa kum 1966 hian Mizoram chuan a chanvo a nih ang takin, amabin

ro a inrel tur a ni tih kan chhuahin kan puang ta a ni. India sawrkar nena Politic lama an inkungkaihna zawng zawng pawh thin thlak vek a ni a. Hnam zalên leh mahnia ro inrel a nih tak avang in, indo thuaah te, remna thuthlunnaah te, ram dang rena sumdawnna ruahmanna kawngahte leh thil dang tam tak, Independent ram in a chanvo a th theih ang zawng zawng chu ti ve thei nghal turin thuneihna a nei ta " tiin Mizoram zalenna leh Independent chu an puang ta a.

Mizoram leh hnam chhan turin Mizo sipai (Mizo National Army) an din baw a. Battalion hrang hrang, Mizo pasalthate hming chawin an siam a, Vanapa Battalion, Chawngbawla Battalion, etc. Hentiana Mizo sawrkar an din hnu pawh hian India sawrkar chuan a ramah Mizoram chu a la chhiar tel tho si avangin Mizoram rawn awp zui zel tur leh Mizo National Army (MNA) te rawn bei turin Mizo rai ah spai tam tak a tir lût muah muah te mai a Tichuan Mizoram hmun hrang hrangah Mizo sipaite leh Indian Army te chuan mb i ta a. Ho indo hun chhung zawng hi KAMBUAI HUN CHHUNG' tih a lo ni ta a ni.

Mizo sawrkar a lo din tak avangin MNA te chuan Mizo sawrkar tuam hlawnna turin Mizo mipuite hnetah Chhiah (Tax) an khawn thin a. Heng MNF/MNA te hnena chhiah petute hi India sawrkar sipaite chuan manin, tan Inah te an khung thin a; tin chhiah pe duhlorute tan Mizo sawrkar chu an hlauhawm tho baw si a. Mipuite tan chuan rambuai hun chhung hian khawsak thiam a harsa tak meuh thin.

India sawrkar chuan MNF/ MNA te chetna dan
han nan leh mipuite, him zawka enkawl an nih
hah nan tiin, khaw sawikhawm thu a puang ta a.
Zemabawk pawh sawikhawmna hmun (Grouping
Centre) rah hmangan Jan 3, 1967-nah Beraw, Bung
leh Zokhawngkhuate chu Zemabawkah an hruai
khawm ta a. He hruai khawm hna thawktute hi
India sipai chhuanvawr Para Regiment hote an ni.
Zemabawk khua chu rimpuai hmaa In 128 vel ni
thin kha In 300 khua lai a lo ni chho ta a.

Khaw' brang ni thin, chutia khaw khata an han
khawsa ta nuth nuth mai chu a mak tih piah' lam
leh manglam pawha hmuh piak loh thil a ni. Vawi
knaimah la inhmuh ngailote an nih hlawm avangin
zia pawh an inhre meuh lo va, chuvangin khawi emaw
laia lo insual chawt chawt tawh hi an awm reng mai
thin. Hetih lai hian nula'tlangval thenkhat leh
pathlawi/nuthlawi thenkhatte' erawhchu lo inchulnelin
nupui pasal innei nghal ta mai lah an awm.

Heng khaw sawikhawma lutte hian an khaw lam
an ngai em jern theuh a. a bik takin veng dang nula
tlangvalte aiin Zokhawsang nula tlangvalte chu an
lung a leng zual emaw tih tur an ni a. An sulhnu
Zokhawsang khaw hmun hlui leh tlangte chu an han
thlir phei a, hetiang hian kaiblek hla an sa tuar
tuar thin :-

" Ka thlir thin aw! Zokhawsang saw
Ka ngai em mai kan sulhnu ;
Ral tawh mai se, Zemabawk hi
Ka ning tawh em, Zemabawk " tiin.

Zemabawkhaw pumpui chu mau pal thet fer furin hung chhuah vek a ni a. Luh leh chhuahna tur kawngka pui erawhchu siam a ni, tin, mi cheng kum 12 chin chunglam zawng chu chhinchhiaha lehkhā (Identity Card) an siam sak vek bawkh a. He I.D. Card hi kalna apiangah ken angai zel a, a keng lo chu India sipaite chuan MNA-ah ngaiin an man zel bawkh a, an lo nih loh erawh chuan an Camp-ah hnate thawh-tirin, a-nih-loh-leh an sawisak hrep hnuaht te an chhuahtir leh thin.

Heng sawikhawm mipuite awp tur hian Administrative Officer te Grouping Centre tinah sawrkar chuan a dah a, mahse rambuai lai ngang a nih avangin sipai lam an lal hle.

Inkhawm dawn te, zin chhuah dawnte hian sipai thuneitute hnenah emaw A.O. hnenah emaw phalna siam tir a ngai zel a, inkhawm laite hian Biak in tuk-verbah silai kengin sipai an rawn dak duk duk thin.

Hnatlang a tam lutuk avangin thlawhhtma á lak that theih loh va. Kum 1968-ah pheih chuan tam kan tuar nasa hle a, changel bulbal leh ram bahra ring ta mai mai te pawh an awm!! Sawrkarin tan a la a, Ration tlem tē tēin an sem ve a, buai zual laia rinpui ber chu Atta a ni. Patlingin ni lengin Atta Kg khat te an hlawh thin.

India sipaite chu chhun zan zawmin khawla dungah an duty ngawrh hle a, engemawchang'chuan khawtual tlangvalte pawh duty turin an phut a, sipaihote nen an duty chang a awm. Hetia duty hi vaiho dawihzep vangah ngaih a ni a, mipuiin a, tulna an bre lo hle.

Zemabawk chu sipai hmunpuiah chei chhoh a ni a, Army Hospital, Army Supply Godown, Army Motor work-shop, Army Engineer hmunpui leh 'sipai ufing Train-ning-na hmun a nih bakah sipai insingsak velna (Transit Camp) awmna hmurah siam a ni a. Buai zual lai chuan sipai indo Motor leh Ta-k (Armoured Car) te an tlan zut zut thin. Chu chawg ni lovin Helicopter tumhmun leh thlawhna tumhmun (Airfield) te Zemabawkah chuan an siam a. Amah-erawhchu sipai hmunpui a nih avangin Zemabawk khua chuan thingtlang hmun dang aun buaina an tuar nep deuh.

Kawn Venga CRPF hmun. Tlang Venga CRPF hmun leh TB Hospital tlanga CRPF hmunte chu, sipai tan in hmun pawimawh tak tak awmna a ni a, mi pawimawh zual chin tanna hmun a ni b-k.

Kum 1975 January 13-a MNA ten IGP Office chhungah IGP, DIG leh SP an kabhlum tum pawhin MNA lam Major Kapchburga, Sgt. Kapkima 'S' Bn R Lalliankra Intelligent te, Zorima, S Lianzuala (Hetih lai pawha MNF atanga chawl tawh Ex-Home Minister leh Ex-Vice President) te leh police Department lam atanga an mi man B. Vanlalzari chu beng Zemabawk tan inah te hian khung an ni. Maj Kapchhunga phei chu tihbrehawm bik niin TB Hospital tlanga lei hnuai tan in, puk thim siam chawpah an khung rei hle.

Mizoram chu rambuaia kan awm chhung kum 20 dawn lai a lo ni hman a. Hetih chhung hian MNF te leh India Sorkar chean inrem lehna neih tumin vawi tam tak inkahhaite puangin inbiakna an

nei a. Tichuan an inbiakna chu tihlawhtlingin June 30, 1986, zan dar 9:15-ah inremna thuthlung (Mizoram Peace Accord) chu an lo sign thei ta a. Mizoram chu state thuneihna sang tak nei turin remna an sign a ni. Hemi thuthlung tihlawhtling tur hian MNA/MNF te chu an Headquarters Arakan leh Bangladesh Capital lam atanga rawn hawin August 2, 1986 chuan Aizawl khawpui an rawn lut a, mipuiin nasa taka lo hmuakin au thawm leh rithei chitin reng khawng rin an tlaivâr a ni. Inremna ziahfel a nih hnua MNF te an rawn haw chhuah hnu chuan rambuai kan nihna chu a lo tâwp ta a.

Zemabawk chu January ni 28, 1982-a sawrkar record angin In 602 awmna khua a ni.

(4) RAMBUAI REH HNU: Rambuai reh hnu han tih hian MNF leh India sawrkar-in inremna thuthlung an ziah fel (1986 June 30, zan dar 9:15) hnu a ni a. Remna kawng an dap vel lai hian hun rei tak chu inkakna an chawlhsan a, chuvangin rambuai hun chhung tâwp lam chu engemawti tak chuan a ralmuang chho hle a.


Zemabawk khua chu Mizoram U.T. sawrkarin, 1974 October thla-ah Aizawl khawpui (Town Area) ah a rin lût a. Tichuan, khawpuiin a neih ang leh dawn angte, Zemabawk khuaah chuan a rawn sur lût ve ta a. Kan khawlai dung chu Black topping a lo niin, kan Tuikhurte pawh Cement-a tha zawka chei chhoh a lo ni a, kan khawlai kawng tam tak pawh lungrema Step.siam te a lo ni a. Kan tuallajah Street Light te pawh a eng ta ut mai !!

Tin, sawrkar briattirna No LAD/VC 5/80/142 Date 28 Jan 1982 angin Zemabawk V/C pawh Aizawl, khawpui chhung V/C ah chhiar a lo ni tak tak ta bawk a ni.

Rambuai reh hma atangin Lo neitute tan pawh FEH BUS a service a, tichuan tun thlengin thlawh, hma latute pawh Bus hlin an feh ta a ni. Tin, kum 1985 March—May thla chhung khan tun hma rambuai zual tak tak laia sipai thlawhna tumhmun pawh chu Mizoram sawrkarin a chei tha a, he Air Field hi Ft 3200 a sei leh Ft 90 a hanin a chhuat chu Black Topping a ni. Tun rambuai reh hnu hi chuan Zemabawk mipuite chuan an duh hun hunah Mahni Veng Air-port atangin India ram hmun hrang hrangte chu an tlawh thei ta a ni.

Tin, Zemabawk khua chuan hma a sawn chho zel a, kum 1988 hnu lamah phei chuan hah taka tui-khur tui chawi tung tung tawh lovin, mi tam takin mahni In-ah Water Connection an nei a, a nei lote pawhin sawrkarin Motor-a tui a sem chu an kawtkai-ah an lo dawh mai thin. Zemabawk mipuite khawlai leng yel thiar tura Bawngkawn leh Zemabawk inkara Town Bus pahnih lek Service thin chu kum 1990, February thlaah titawpin, Aizawl Town Bus zawng zawngin kan Veng chu arawn thleng ta in, duh dub-na Bus-ah kan chuang thei a, chu mai ni. lovin Taxi-a tan delh delh tawk pawh an tam mai.

Rambuai reh hnu hi chuan rambuai laia sipaiin mi in an luah sakte sipai kut tuarte leh MNA, Mizoram tana nunna hlantute lu man sawrkarin zangna-



dawmna pawisa a sem a. Tin, Zemabawk ram Zo-khawsang khaw hmun hlui leh Beraw khaw hmun bluite Aizawl hmun lailia awmte sawn chhuah nan Mizoram sawrkarin kum 1988 June 31-ah, 1st Assam Rifles hnenah a hlan a, heng khaw hmun hlui a hmun lo ram neitute hi sawrkar chuan Compensation a pe hlawm a, heng pawisate hi mi tam takin In leh lo tha zawka din nan an hmang nghe nghe.

Kum 1989 kumtir lama YMA ENG chanchinbuin chhiarpui a neihah chuan kan Veng (Thuampui tel lo, ah hian mahni In luaha khawsa chhungkua 614 leh mi In luaha khawsa chhungkaw 319 kan awm a Tin, mihring awm zat chu 4944 kan ni. Tin, sawrkar hna-thawk mi 700 vel leh lo neia eizawng chhungkua, chhungkua za zela chbungkaw pakua vel an awin bakah, zirlai mi 1750 vel kan awm a. Tin, YMA ENG chhiarpui '89-a a lan dan angin kan Vengah hian RCC Building 24, Dawr 52, Tea Stall 14, Workshop 15. Video 20, Television 54, Gas Stove 122. Freeze 44, Motor (Truck) 3, Motor Jeep 17 Maruti 7, Motor chi dang Bus etc, 6 leh Bike leh Scooter 19 a awm a ni.

Tin, Zemabawk khua hi Mizoram Legislative Assembly (MLA) bial thenah chuan Aizawl North 1 (ST) Constituency kan ni a, kan Vengah hian Vote nei thei chin mi 2942 kan awm bakah Political Party lian-pui pui pathum Mizo National Front, Congress (I) leh Democratic (DP) te a ding bawk.

Tin, tunah hian vanlang Hall (YMA Hall) tur High School mualah rel (sak) mek a ni.

THEN 2-NA

11. VILLAGE COUNCIL INDAWT : Kum 1954-a, Mizorama V/C thlanna hmasa ber neih a nih atanga kum 1990 thlenga kan khua lo kaihruaitu V/C hrang hrangte chu hetiang hi an ni :-

(1) V/C hmasa ber (Zalen Pawl) 1954 - '57

President : Lama
Vice President : Tv. Lalkima
Member-te : Thanglura, Thalruma, Kailiana,
Laithankhuma, Tinchawia.
Zalen Pawl hi an nawrh tak
avangin V/C siam that a ni a.

Hetiingin :-

President : Hangmuka
Secretary : Thanzama
Member-te : Tinchawia, Laithankhuma,
Hmangaiha

(2) V/C tum 2-na (Zalen Pawl) 1957—'60

President : Lama
Secretary : Lalauva
Member-te : Kailiana, Liana, Ranga, Thanglura.

(3) V/C tum 3-na (Mizo Union) 1960—'63

President : Liana
Secretary : Zuiliana
Member-te : Rangthangvunga, Lalthanga,
Laithankhuma, Rothangpuia.

(4) V/C tum 4-na (MNF) 1963 - '65

President : Lama

Secretary : Ngurchhawna (patea)

Member-te : Sailianpuia, K. Zapa, Khawzanghina
Lahmachhuana, Lalmawia.

Note : Reilote hnuah Lama, Zapa, Sailianpuia te an ban avangin President-ah Hangmuka, Memberah Zakhuma leh Lalhuliana an tang thar. Mizo Union V/C-ah an inlet ta.

Kum 1966-ah Mizoram a buai a, kum 1967-ah hruaikhawm kan ni. Khawtin atangin heng mite hian khawtlang ro an rel ta a:- (1) Lalzova V/C P Zokhawsang, (2) Raltawna V/C P Beraw, (3) Hangmuka V/C P Zemabawk. Bung khaw aiawhin S.K. Lalnuntluanga a tel. Heng mite bakah sawrkarin' Administrative Advisory Committee a rawn ruat ta a, Chairman atan A.O. Member atan (1) V/C P leh a member-te, (2) Sikul lama Head te, (3) Kohhran hruaitute (4) Political Party hruaitute.

(5) V/C tum 5-na District Council ruat. Sept 1, 1967

President : Makhama

Vice President : Rozika

Secretary : Khuanglawma

Member-te : Lianchheuva, Lalkhuma,
Zahmuaka, Chalkunga.

(6) V/C tum 6-na Dist. Council ruat. Nov 29, 1968

President : K. Zapa

Vice President : Vanlalthuama

Secretary : Khuanglawma

Member-te : Lalthawma, V.L. Rova, Kapthuama,
Suakkhama.

Note : Heng V/C-te hi kum 1957-a V/C ten H/S sum
atan Reserve an theh avanga V/C thiah a nih hnua
ruat that leh te an ni.

(7) V/C tum 7-na ruat V/C bawk. 20.7.70 MDC-ah
Congress a lo sawrkar a, V/C dinglai chu rawn
thiatin hetiang hian V/C thar a rawn ruat a :-

President : V.L. Lawma
Vice Pre. : Laluma
Secretary : Masthanga,
Member-te : Lallianzauva, Ringngheta,
T.V. Lalthanmawia, Lalhleia,
Zakhuma.

(8) V/C tum 8-na (Mizo Union) 1971 June-1974 Aug.
(Elected)

President : Raltawna
Vice President : Pahanga
Secretary : Lianzuala
Member-te : Lalthawma, Bethcia, Lallianzauva,
Makkhama, Lahmachhuana.

Note : Bethcia leh Lianzuala'n sawrkar hna an
thawb tak avangin, Secy-ah V.L. Thuama lak a ni
a, Bethcia ai By-election-ah mipuiin V.L. Lawma an
thlang tling.

(9) V/C tum 9-na (Mizo Union) Sept. 1974-1975
(pawhsei Term)

President : V.L. Lawma
Vice President : Lalthawma (ruat seat)
Secretary : Lalthanmawia
Member-te : Lallianzauva, Raltawna, Pahanga,
Makhama, Lalmachhuana (ruat seat)

Note : President Raltawna VCP atangin a inhnuak dawh ta a, a hmunah V.L Lawma an dah ta. Tin, V.L Lawma leh Lallianzauva hi Congress atanga thlan tlin an ni. Tin, V/C hi a mumal thei vak lova, Lalsanga C. A. in a rawn awp zawh a. Secretary chu Lalthanmawia a ni.

(10) V/C tum 10-na (Congress) June '75 - Nov. '79.

President : H. Parvela
Vice President : Makhama
Secretary : Lalthanmawia
Member-te : Lallianzauva, Kailiana, Sailianpuia
Laithangvunga, Thangkhuma (ruat seat)
Saptawna (ruat seat)

Tin, kum 1977-ah Secretary Lalthanmawia a chawlh tak avangin H. Lalkima'n a thlak.

Nov '79-'80. P.L. Biakveli i/c A. O. & V/C P. Secy. H. Lalkima

May 1980 C. Rokima i/c A.O. & V/C P. Secy. H. Lalkima. Tin, C. Rokima hunah hian Zemabawh khua A. O. awpna chu tih tawp a ni ta.

December 1980 C. Zairema C.A.

March 1981 Zakiamlova C.A.

August 1981 C. Lalrinliana A/D

January 1982 B. Chawiliana C.A

Heng hun chhung biau V/C Secy chu H.Lalkima a ni. Tin, Zakiamlova a boral a, V/C charge chu H. Lalkima kutah a awm vek. Chumi hnuah C. Lalrinliana a hlan ta a ni.

10) V/C tum 10-na People's Conference. (Elected).
March 1982 - '84 November.

President : Zarzoliana
Vice President : K. Biakliana
Secretary : H. Lalkima
Member-te : Lalngursjama, Lalthawma, Raltawna
H. Parvela, L. Rinthanga, Thanga,
T. khuma ruat seat Robula ruat seat.

Note : Dt 19.9.1983-ah V/C Secretary H.Lalkima hi R. Liansanga'n a thlak.

11) V/C tum 11-na Congress (elected) Nov. 84 - 87

President : R. Tlanga
Vice President : Pahanga
Secretary : Masthanga
Member-te : K. Vanlalmuana, Zarzoliana,
H. Parvela, Saptawna, Laithang-
vunga, Lalngawta, Lallianzauva
ruat seat, Lalzova ruat seat.

12) V/C tum 12-na MNF (Elected)
5. Nov 1987—'89 May.

President. : Lalhmachhuana
Vice President : Lalchhuaha
Secretary : Lalhmangaiha
Member-te : K.Biakliana, Zarzoliana, H. Parvela,
K. Laluma, Lalhruaia. K. Lalzara
ruat seat V.L. Siana ruat seat.

Note : Kum 1989 January 21-ah MLA thlanna a awm a, tah chuan Congress-in sawrkarna an chang a, tichuan MNF V/C te hi May 26. 1989-ah an thiat a, Advisory Board-in Zemabawk khawtlang chu an awp zui ta a, chung kan hruaitute chu hengte hi an ni :-

V/C P. : C. Kanchha, A.O. (Sihphir).

Vice President: H. Parvela

Secretary : C. Lalrinpuia.

Tin, Feb 1990 atangin sawrkarin VCP turin Pu Lalnelawma a rawn ruat leh a ni.

12. ZEMABAWK-A A.O. AWM TAWHTE

Sl. No.	Hming	Kum
1.	Das SDO (PWD)	1967-
2.	Lalthanmawia BDO	1967 Jan 10-
3.	TN Gogoi	1967 Dec-
4.	Sharma Baruah	1968 May-
5.	Dineshwar Deka	1968 Nov-
6.	J. Dutta E.O. Agri	1968 Aug-
7.	A.A. Hussain DSWO	1970 Jan-
8.	R. Lalzauva S.E.O.	1970 Sept-
9.	Biaksanga H. Parte	1973 Feb-
10.	Lalthlengliana	1975-
11.	P.L. Biakveli i/c A.O.	1979 Nov-
12.	C. Rokima i/c A.O.	1980 May - '80 Dec.

13. ZEMABAWK-A VENG HRANG HRANGTE

(1) Kawn Veng : He Veng hi Zemabawka Veng hlun pâwl tak a ni. Kum 1926 hma lamte pawh khan mi cheng an lo awm nghet ble tawh a ui. In erawh chu a khât ble.

(2) Tlang Veng : He Veng hi Zemabawka mi cheng lo awmna hmasa nia hriat a ni. Tun hma lam chuan Melvengho chenna hmun bik a ni thin. Tin, Zema-bawka hming chawi chhan Pu Zema pawhin he lai Vengah hian in a sa tia sawi a awm bawka.

(3) Bung Veng : Rambuai sawi khawm hlina Bung khawho awmna bik tura tih a ni a, Bung Veng tih a lo ni hlen ta a ni.

(4) Field Veng : Rambuai hma chuan Field Vengah hian In pahnih pathum chauh a awm a, rambuai hnu hian mi cheng kan lo tam ta zel a, Veng lian tak a lo ni ta.

(5) Dinthar Veng : He lai Veng hi rambuai hnu-a awm chauh a ni a, Pu Chawnghlira te a awm hmasa an ni a, chuangin Chawnghlira Veng tih a ni thin. Amaherawhchu kum 1986 atangin an Veng pahovin tuna a hming 'Dinthar' tih hi an lo puah ta a ni.

(6) Beraw Veng : Rambuai hma pawha In awm tawh na sa a ni a, amaherawhchu rambuai sawi khawmah khan Beraw khawho awmna tura tih a nih avangin Beraw Veng tih a lo ni chho ta a, a mi chengte pawh Beraw khaw chhuak an tam deuh ber.

(7) Venglai : Rambuai hlim khan Para Regiment hovin, Children's Park an siamna hmun a ni a, tunhma chuan tawlpahritte, inbûknate, tuna sa zawrhna zawlah hian a awm thin a, chuvangin 'Children's Park' tih a ni thin a, tun hnû hian Venglai tih a lo ni ta.

(8) Hmangaihna Veng : He Veng hi sawi khawm hlim, kum 1967-ah khan, 'Hmangaihna Veng' tun Para Regiment Capt Monsia'n a phuah a ni. Tun hmain Gorkhali tlêmtê cheng an lo awm tawh. Zokhaw:ang khawchhuak an ni deuh ber.

(9) Zokhawsang Veng : He Vengah hian rambuai hina aţangin khât tak takin In a lo awm tawh thin a, sawi khawm hlim khan Zokhawsang khawho awin na tura tih a ni a, Zokhawsang Veng tih a lo ni ta a ni.

(10) Galili Veng : He Veng hi rambuai hma kha chuan ranhnuaî a ni thin Kum 1969 vel khan he lai Vengpa Pu Chavapa chuan tahtawn chem a chher nasa thin a, chuvangin hun engemaw chen kha chu 'Tahtawn Veng' tih a lo ni thin nghe nghe. Mahse tuna a hming hi Pu Khuangdailova Ex-President Z.Y.M.A.-in a phuah ta a ni.

(11) Thingkhim Veng : Kum 1953-ah Pu Biakinthanga (Vanlalengi pa) chuan he lai vengah hian In sain a cheng tan a, buai hmain In tlêmtê a awm a. Thingkhim thing a tam avangin 'Thingkhim Veng' tih a ni.

(12) High School Veng : Rambuai hma chuan he lai Veng hi ranhnuai a ni thin. Kum 1969-ah H/S Building chhetē a hming lekin sak a ni a, chumi avang chuan High School Veng tih chhoh a lo ni ta a ni. Kum 1969 vel chuan, Gorkhali Bawng vulhute an cheng a, Gorkhali Veng tih a ni mai hawk thin.

(13) Gorkhali Veng : Khaw chbungah Bawng vulh a remchan loh avangin H/S Vengah hian sawn chhuah an ni a. Gorkhali Veng tih chu an chhawm chho ta zel a ni.

(14) Vengthar : Kum 1970 December 14-ah Zokhaw-sang Veng in 20 lai mai a kang chiam mai a, chung kang tuir'u chbungkaw engemaw zatte tan chuan he lai Vengah hian hnadangin In sak sak an ni a. Kum 1970 Mas pawh chbungkaw thenkhatte chuan he lai Vengah hian an hming hman a, tuu thlengin 'VENGTHAR' tih a lo ni ta a ni. A cheng hmasate chu Pu Hmingthanzauva te chung an ni.

(15) Industry Square Veng : He lai Veng pawh hi sawikhawm hma chuan ram hnai a ni thin. MNF sawrkar hmasak ber (1988) lai a, Industry Minister Pu Ngurchhina leh Mizoram Furniture siam thiam hming thang Pu Tlangsiama te leh mi dang engemaw zatin he laiah hian hmun an nei a. Mizorama Workshop lâr tak takte awmna Veng a nih avangin a neitu Veng pahovin, kum 1988 August thla khan an Veng hming 'INDUSTRY SQUARE' tih hi an phuah ta a ni.

(16) Beraw Lui Veng : He lai pawh hi Veng thar ngang a la ni a. Kum 1988-ah Beraw Lui Veng Welfare diani. Veng hming neiin an lo awm ve a ni.

(17) Falkland Veng : Rambuai hma chuan he lai Vengah hian Pu Laithankhumate leh mi dang chung tlēmte an lo chēng tawh thin a. mahse ram a buai khan a lo ram ta a. Rambuai a lo ziaawin leh hnuin mi tlēm an lo chēng leh a. Veng hming pawh nei lovin. Kum 1982-ah Argentina sawikarin, British sawrkar awp thliarkar (Falkland) chu an chhupui avangin an indo ta a, he indona hi a lār em avangin helai Veng hian Veng hmingah a lo put phah ta a ni.

(18) Salvation Veng : He lai Venga awm hmasa ber chu Pu Chalkima te an ni a. Sawikhawin hnua awm an ni Hun rei tak chung Chalkima Venga chengho hi Salvation an nih deuh hlawn avangin, Salvation Veng tih a lo ni ta a ni.

(19) Air Field Veng : He Veng hi Mizoram thlawhna tumhmun leh Jail awmna a mh avangin Veng hmingthang tak a ni. Huan siamtute leh lo neitute tan hmun pawimawh tak a ni a, Feh Bus a service reng a ni.

(20) Tuirial Veng : He Vengah hian In 30 vel a awm a, Primary Sikul pakhat a awm bawk Forest Dept-in Teak thing an cning nasa hle. Zemabawk lo neitute tana hmun pawimawh tak a ni. Feh Bus a service thin a, Zemabawk lo neitute chu Bus hmangin an feh mai thin a ni.

14. SIPAI LALTE

Tuna tanglai mekah chuan kan Veng mi hengte hi Sipai Lal kan neithe chu an ni. (1) Kawlrmsiama Lieutenant Colonel, Assam Regiment (2) Zethuama Sub. Inspector MRP. (3) Hmingmawia Asst. Sub Insp. MRP. (4) C. Lalchhuanhiana Sub. Inspector (MRP)

(5) Lalchia ASI (MRP). Chawl (bang) tawh te :
 Capt. Lalchawiliana V Bn. MNA. Sub. Maj, Hon.
 Capt. Lalhluna Assam Regt, Sub. Hon-Lt Lalmuanga
 Assam Regt Sub. R Tlanga Assam Regt. Sub. Thang-
 savunga, Suh. K. Biakliana, Sub. R. Kawlnhuna
 Assam Regt te Capt. V.L. Hmuaka V. Bn. MNA
 leh Inspector K. Kalkhama. M.A.P. te.

15. SAWRKAR HNA THAWK THENKHATTE

Nu leh Pa tinin kan fate nnathawh tur hi
 kan buaipui tlangpui a, chuvangin kan Veng mi hna
 peng hrang thawk thenkhatte biak rawn atan ka han
 ziak e. Heng mite hi mahni kawng zawh duh lam-
 ah chuan biak rawn theih an ni ang.

1. Kawlremsiana Lt. Colonel,
2. H. Tlanglianruma MCS, SDO (Civil)
3. Lalthangpuia Sailo MCS, S D.M.
4. Lallianzuala Sailo E.O. Agri.
5. Sangliana Circle Adult Edn Officer
6. H. Manthianga Extention Officer Agri.
7. Dr. C. Vanlalngheta Asst Sergion Vety.
8. R. Zahmingthanga J. Farm Manager Vety.
9. H. Tlangthankhuma J. Extn Officer Vety.
10. Sangkunga J. Extn Officer Vety.
11. Lianzuala Range Officer Forest.
12. Ngurchhuana Health Supervisor.
13. Lalzawmliana Foreman, Politecnic.
14. Lalrambuatsaiha Asst., Edn. Dept.
15. K Lalrozama Asst., S&T
16. V.L. Hruaia JE, Elec. Dept.
17. V.L. Malsawma JE, Elec. Dept.

18. Lalthanpuia JE, PWD.
19. Lalsanga Surveyor II, Rev. Dept.
20. C Lalchhandama Extn Officer, Handloom.
21. Lalchhuanliana Overseer, PWD.
22. Rongura Overseer, PWD.
23. K Kalkhama Inspector, MAP.
24. Saingura Sailo (Rtd) Stn Suptd, N.F. Railway
25. Lalsangpuii Manager, Apex Bank.
26. Lalchungnunga Technician A.I.R. Stn.
27. Ngaizuala H/S.

16. HMASA BERTE

1. B.A. (Mipa)	H Thangchuanga	1970
2. B.A. (Hmeichhia)	Lalsangpuii	1977
3. B Sc. Ag.	Lalthanvula (L)	1983
4. B.T.	R. Lianhlira	1974
5. M.A.	Lalthangmawia	1977
6. B.P. Ed	Vanlalrema	1983
7. M.Ed	C. Ngurthanmawia	1985
8. NIS Dip.	Vanlalrema	1986
9. B.V. Sc & A. H.	C. Vanlalngbeta	1988
10. B.D.	C. Sangliana	1983
11. MCS	H Tlanglianruma	1976
12. B.Ed (Hindi)	Roliana	

17. MIZO HNAM PASALTHATE

Kum 1966-a Mizoram a lo buai khan, kan Veng atangin mi tam takin Mizo National Army an zawm ve a, chung zinga thleng sang ber chu, Lalchawiliana leh Vanlalhmuaka niin 'V' Batallion-ah Captain an kai hman. Tin, heng mite bian Mizoram leh hnam tan an nunna blu tak an hlân :

(1) ZAIEMTHANGA : Ani hi Pu Sapchhawna fapa a ni a, kum 1947-ah piangin kum 1956-ah MNA a zawm a, Chawngbawla Batallion-ah rinawm taka a thawh lain, kum 1968 khan an kawng daltu Burma sipaite nen an inkahnaah vanduai thlak takin Tiddim khuaah a borat ta a ni.

(2) RAMZAUYA : Kum 1951-ah a piang a, Rangkung fapa a ni. Kum 1966-ah Mizo siparah a tang a, Vanapa Bn a ni. Bangla Desh-a an awm lain Camp atanga an kal chhuak, Tuikuk Inah thlamuang takin an chawl a. Silai tung meuhin a thiante nen chaw an ei lain tuikuk hovin rawn bei thutin chaw an ei lai chu an sathlum ta hlauh a ni.

(3) Sgt. Lianhmingthanga : Kum 1947-a piang a ni a, Pu Lallianzova fapa a ni. Kum 1966-ah MNA zawm-in V. Bn a ni a. Kum 1970 khan Pakistan atanga lo chhuakin Muallungthu khua-ah Camp neilin an khaw-sa a. An hotu chu Colonel Zamana a ni.

An Camp hi 1st Assam Rifles hovin hual thutin an kap ta a. Capt. Lianhmingthanga Thiangsultliah khua an kah hliam chu Sergeant. Lianhmingthanga hian puain a tlanpuia, ani pawh chu a banah an kap leh ta a, mahse a thianpa chu tlan chhiatsan maj duh lovin a bawihsaawm zel a, tichuan IAR-ho chuan rawn nangchingin an man ta a, in surrender turin an thlem a, nasa taka an dawpna-ah pawh eng-mah a hrilh duh lo va, tichuan an tihlum ta a ni.

(4) Corporal. Lianhmingthanga : Ani hi Pu V.L. Lawma fapa a ni a. Kum 1958-a piang niin kum 1978 Sept 1-ah MNA a zawm a, V. Bn a ni.

A thiante mi 6 nen an damsam meuh loh avang-in Indian Army Damdep Camp (S. Mizoram)-a awm-te hnenah inpak tumin an kal a, vanduaithlak takin

chung Indian Army te chuan ralthuam pawh keng tawh lo mi 7 te chu Dt 27.1.1983 khan an lo káp hlum ta vek a ni.

Mizoram leh hnam tana 'NUNNA' blántute hi mi ropui an ni a, tunah kan zingah awm tawh lo mahse kan thilungah an la nung reng a ni. Thang leh thar ten mahni ram leh huam tána an nunna hlu tak hlan a, an thisen lo leih bawtute chawimawia hriatrengna neih hi kan bat a ni.

18. BEAUTY CONTEST (SAKHMEL MAWI)

Zemabawk khua hin Mizoram pumah hma hruaitu nihna kan nei ve nual a. Aizawl leh Mizoram pum pawhin Miss/Mister thlanna buatsaihna chang a hriat hma daih atang khan Zemabawk chuan Miss Zemabawk leh Mister Zemabawk te kan lo thlan tawh thin a ni.

Tun hma kum 1920 chho vela Zemabawk nula hmelthaa an sawi chu Kawlchbingpuii (L) K. Lalenga pi a ni a. Kum 1925 chho velah erawh chuan Lai-kungi (R. Thanghmingliana Pi) chu hmelthaa sawi lâ a ni.

Sawikhawm hnu kum 1969-ah chuan Zemabawka hmeltha thlanna hmasa ber chu Zemabawk Players Party (R. Lalhlira, P.C. Chawithuama te ho) chuan an buatsaih ta a. He Beauty Contest-ah hian a duh apiangin tha an tih theuhle chu thlangin kawtchhuaha bawm (Percel) lianpui-ah chuan an thlak a, chuta Vote hmu tam ber chu Zemabawk Miss leh Mister-a puan an ni. Chunga thlantlonte chu heng mite hi an ni.

Mister Zemabawk	- Sangliana s/o Hrangchhuana
1st Runner up	- Hrangchhuana s/o Rova
2nd Runner up	- Thangchungnunga (Sikata)
	s/o Ringngheta.

Miss Zemabawk - Biakliani d/o Saptawna Ztu.
1st Runner up - Robuangi d/o V. L. Muana
2nd Runner up - Zoparliani d/o Zachhunga.


Tin, kum 1970-ah pawh Beauty Contest hi buatsaih leh a niin Sangliana s/o Hralgchhuana chu Mister Zemabawk '70-a puan a ni. Result dang crawh chu kan hre thei ta tlat lo. Tin, heng hmelttha thlan te hi Certificate mawi tak hlan an nih bakah an thlalak te chu mipui vantlang hmuh turu Children's Park velah te tarlan a ni.

Zemabawk-ah hian nula chhuanawm tak tak hmelttha, fuh, zei leh nalh tak tak, tualchhung mai ni lo, Mizoram pum huap Beauty Contest-a tel pha engemawzat kan nei a. Nula Zodinpuii d/o Malsawma leh Nl. Thanhli d/o V. L. Chaka te chu kum 1985-a neih Miss Mizoram thlan naah pawh an tel nghe nghe a ni.

Tin, Miss Mizoram thlan na 1986-ah pawh heng mi 2 te hi tel lehin kan Veng an timawi hle. (1) Nl. Thanhthami d/o Tlangthanpara, (2) Nl. Thanhli d/o V.L. Chaka,

Kum 1987 a lo herchhuah chuan MISS MIZO thlan waw 3-na chu Mizoram Periodical Union-in a buatsaih ve leh ta a. Tachuan kan Veng nula tawih chhuanvawr K. Lalhmangaihzuai d/o K. Kalkhama Hrangbana College zirlai chu tel vein Contestant te zinga chhe lo pawl tak niin mi mit fukna ber a tling. Mipui timaa a han intheh thil (show) vel chu a aia zei an awm dawn em ni !! tih tur hial a ni. Kan Veng hi hmeltthat leh pian nalh (fuh) ah pawh kan duai bik lohzia a tarlang chiang hle.

MISS MIZO 87 CONTEST



Zemabawk Nula

Tin, kum 1989 December thlahh YMA ENG Weekly Editorial Board chuan Mister leh Miss Zemabawk thlahhna an buatsaih ve leh a. Zemabawk tual-chhunga sawn awm chi deuphte bnenah Contest Form sem chhuakin a la khawm leh a, chuta Vote tla ang chuan hong mite hi tlinga puan an ni :-

MISS ZEMABAWK '89 — **Nl. Zothankhumi**
d/o **K. Lalmuana**

MISTER ZEMABAWK '89 — **Tv. Lalrambuatsaiha**
s/o **K. Biakhiana.**

19. THU LEH HLA LAM DINHMUN


Thu leh Hla lam dinhmunah pawh Zemabawk hi Mizoramah a hnjam hranpa lo va, mi chhuanawm tak tak engemaw zat awmna khua a ni. Rambuai hmaa Zemabawka Zaithiam sawi lâr chu : Laichhing-puii leh Rallianite an ni a, rambuai sawi kbawm blima Zemabawk zaithiama sawi lâr chu Tlangthanpara leh Lalbuangi te an ni.

Tin heng mîte hi kan Vengin Radio Artist kan neihte an ni bawk a, Radio-a hla an thun kum nen :

- | | |
|-------------------------------|------|
| 1) Lalhrilduangi Hnamte | 1969 |
| 2) Vanlalduha leh a pawlte | 1973 |
| 3) Vanlalfeli Hnamte | 1974 |
| 4) L. Ramzauvi | 1974 |
| 5) C. Lalthianghlimi | 1974 |
| 6) Zohmachhuani | 1978 |
| 7) Lalchhuanmawia Hnamte (YF) | 1986 |
| 8) David Lallawmkima (YF) | 1987 |
| 9) Lalchhandami Renthlei | 1988 |
| 10) Lalchhuanawma Hnamte | 1990 |

Tin, heng mite hian Zai Cassette an siam bawk :

- | | |
|----------------------------------|-------------|
| 1) Lalchhandami Renthlei | 1988 & 1989 |
| 2) Zemabawk Kohhran Female Voice | 1989 |



THE YOUNG STARS

L to R.

Robuanga Lead Guitelist

Lalnelawma Drumer & P.A. Set Controller.

Lalchungnunga Bass Guitelist & Secretary.

Lalchhuanmawia Hnamte Vocalist & Rythmn, Mang.

Lalfakmawia Drumer & P.A. Set Controller.

Thanzuala Drumer & Defender (Thlalaka tel lo)

The Young Stars hian kum 1978-ah Electric Guitler Set leh Drum Set an nei tan a, Zemabawka nei hmasa ber an ni.

HLA PHUAH LAM : Kan Vengah hian hla phuah thiam sawi tur kan awm ve nual baw a, chung zinga ram pum hriat hlawh te chu Pu Suakliana (L) leh

Pu Lalchhuanmawia Hnamte te an ni. Pu Suakliana hla phuah hi Mizo Kristian Hla Thar Bu leh Chhadam-ah Sipai Pawl hla bu bukah hla bu tam takah hmuh tur a awm a, a hla phuah zinga lar deuh deuhthe chu henge hi an ni : 1) Hming dang zawng zawng ahn a mawi ber, 2) Hosanna ti zelin aw 3) Lalpa i thlarauvin fang chhuak leh la, 4) Kan nghak reng che kan Lalber.

Pu Suakliana tu leh fate chu tun thlengin Zema-bawkah hian an la awm.

Tin, Pu Lalchhuanmawia Hnamte hian hla 60 chuang a phuah tawh a Nun hlinoa hla buah a hla phuah thenkhatte chu hmuh tur a awm. Tin, All India Radio-ah engemaw zat Record a nih tawh bakah, C. Luri Cassette 'TLAI TLA ENG'-ah a hla phuah hmuh tur a awm a, 'Zawlkhawpui' tih hla phei chu Zoram puma hla lar a tling.

MULIC LAM : Kan Veng atengin Music & Fine Arts-ah Pu Lalbiakmawia Hnamte chuan Instructor hna a thawk a; tin, he Institute-ah hian kan Veng mi engemaw zatin Music an zir tawh. H. Vanlalhriat-in lam a train chhuak tawh bawk. Tin, kan Veng mi Hawain Guitar thjama sawi lar chu Thanzauva Hnamte niin All India Radio-ah Music tam tak a Record tawh a ni.

Tin, kan Vengah hian Musical Group-te pawh a lo ding tawh thin a; chung zinga lar deuhthe chu The Mother Dove (Darringvunga pawl) The Dream Maker (Zothanpara pawl) leh The Young Star (Lalchhuanmawia Hnamte pawl) te an ni a. The Young

Star Group hi sawrkar Registration nei tun thlenga Zemabawka Music Group ding awm chhun chu a ni.

NAUPANG ZAITHIAM : Naupang lamah chuan Lalnunpuii Hnamte d/o H. Lalengliana hi kan Veng zaithiam a ni a. Governor Trophy Singing and Recitation Competition '88 ah pawh khan Mizo hla sakah lawmman Pakhatna a la a ni. Tin, hemi tum hian Recitation (Hindi)-ah Lalhmingmawii d/o R. Tlanga chuan 3rd Prize a dawng bawk.

THU ZIAK LAM (Essay) : Thu ziak lamah pawh kan Veng mi, Zoram pum huap Competition-a lang pha kan nei bawk a. Pu Lalchhuanmawia Hnamte chuan kum 1984 khan Central YMA buatsaih Essay Competition-ah lawmman pahnihna a la tawh bawk.

LEHKHABU SIAM : Tualchhung bak pela lehkhabu siam pawh sawi tur ting chuan kan awm bawk a. chu chu Pu Lalchhuanmawia Hnamte niin, a lehkhabu hming leh Published kum chu hetiang hi a ni: -

- 1) Hindi ziak leh chhiar zirna (For class-11) 1983.
- 2) Suangpuilawn History 1986
- 3) Costa Rica tleitir 1989
- 4) Zemabawk History 1990

LEMCHAN LAM : Lemchan lama hming nei deuh kan neih chu Lalbiaksanga Hnamte a ni a. Mizoram Cultural Troup-ahte telin phai lamahte a kal tawh a. hetih lai hian kum 8 mi chauh a la ni. Lemchan a thiam avangin Doordarshan TV Delhi atanga Programme hrang hrang tichhuak thin tu, EASEL PRODUCTION HOUSE, N. Delhi a mite chuan an film

siam tur naupang film, 'A face in the Crowd' tihah chuan Staring turin an rawu sawm hial a ni. Tin, Zemabawk-a Lemchan thu ziak lama lâr tak chu Zâlawra Hnamte a ni a, a thu ziak hi All India Radio-ah te chan a ni tawh thin.

THEN 3 - NA

20. GAMES & SPORT : Zemabawkah Games & Sport hi kum 1952 khan din tan a ni, tuna kan Play Ground hman lai hi kum 1953-a laih tan a ni.

Zemabawk khua hian Sport lam hi kan ngaisang hle a, Champion nihna pawh kan la ve nual tawh thin.

- 1) Kum 1971 khan Zemabawk Nula Hockey Team chu Zoram pum Champion an ni tawh.
- 2) Kum 1971 Inter H/S Sport-ah Zemabawk H/S Boys Hockey Team chu Champion an ni tawh.
- 3) Kum 1987 H/S Sport (Rs 10,000/- inchuhna)-ah, Girls Volley Ball Team an Champion.
- 4) Kum 1987 hian ZHS Boys, Hockey Team chu an Champion bawk.
- 5) ZHS Boys, Hand Ball Team chu kum 1987 H/S Sport-ah pahnihna an ni
- 6) Kum 1988 Mizoram School Games-ah, Boys Hand Ball Team Zemabawk chu Champion an ni.
- 7) Kum 1988 Mizoram pum huap Hockey Tournament, Lammuala neibah Zemabawk Games & Sport Team chu 2-na kan ni.
- 8) Kum 1988 Republic Day Women Volley Ball Competition-ah kan Veng nuho Team (Vengthar nuho) chuan 2-na an la.

9) Thingtlang lam tournament-ah vawi tam tak Cup lak a ni.

10) Kum 1987-a Nehru Memorial Hockey Cup, N. Delhi-a khelbah, Mizoram Team chu Zemabawk H/S hmingin an kal a, Delhi sikul si-10, Punjab sikul si-5, Jhansi sikul si-1 a hnehin pool Champion an zu ni. Hemi tum bian Junior Team pawh Kawnpui H/S hmingin an kal na. a, tah pawh hian kan Veng mi 4 lai an tel tho.

Tin, Zemabawk H/S hi Sport uarna hmunah thlan a niin, he sikulah hian Sport lam zir (Camp) an awm deuh reng. Tin, Russian Football Team lo hnehtu, Mizoram Football XI te pawh kha kan Venga lo inzir an nih bakah, Zoram Inchai Champion Chal-chungnunga hnehtu Vanlalduata kha, an inbeih dawn thlengin Zemabawkah a in Camp a, tichuan Zemabawk chaw, Zemabawk chawhmeh, Zemabawk tui leh boruakte ringin a lo Champion ta a nih kha. !!!

Tin, kum 1982 January 1-ah Lalchhuanmawia Hnamte chuan Zemabawk Badminton Club a din a, a thang chak hle. He Club member Nl. Zasangi chu Mizoram Badminton Champion a ni tawh ngbe nghe. Tin, kan Veng atangin Sports & Youth Services Dept. hnuaiah Pu Vanlalrema B.A. B.P. Ed, N.I.S. Dip. chu Physical Education-ah Teacher a ni a, Tin, heng mite hian C.P.Ed. tha takin an passad tawh :-

1) Ramngaihzuata 2) K. Lalhluna.

21) KOHHRAN LAM CHANCHIN : Kan Veng atang hian B. Th zir mi 6 kan nei a, tin mi pahnih

B.D. zo tawh an awm baw a. Chungte chu C. Sang-
hian leh R. Lalengmawiate an ni, Tin, khaw dangah
Pastor hna thawk lai mi 4 kan nei baw a, kan khaw
Kohbran hrang hrangte hian Missionary enkawl lai
mi 10 vel kan nei baw. kan Veng mi Tirkoh
(Evangelist) thawk rei tawh ber chu Pu Laithankhuma
niin kum 23 zet tirkohah a tang tawh.

Kum 1988 kum tawp lam atangin Mizoram
Kohbran hrang hrangah Pathian thu-a harh tharna
a thlang a, kum 1990-ah pawh harh tharna hian
mitin tih theih mai turah hna a thawk a, Pathian thua
intawhkhawmna (Camp) hmun hrang hrangah neih a
niin, heng Camp-ah hian Zemabaw mi kum 15 chin
chunglam chu zaa sawm sarih vel an riak lut a ni.
Heng Camp-naa thusawitu (Speaker) zinga lar zual
deuh te chu Pu K. Lalbminghiana, Pu Biakchhawna,
Pu Lalthlamuana leh Pu Lalchungnunga te an ni.

Tin, kan Venga Kohbran hrang hrangte leh an
chanchin tlangpui chu hetiang hi a ni :-

(1) Presbyterian : He Kohbran hi Zemabawka Koh-
bran ding hmasa ber leh lian ber niin kum 1911 vel
khan Zemabawkah a ding tan a, kum 1916 atanga kum
1918 inkar velah khan Biak In hmasa ber chu
an din tawh a ni. Kum 1923-ah Upa thlanna
hmasa ber an nei a, Upa hmasa ber chu Pu Paliana a
ni. Tin, Zemabaw Presbyterian Pastor bial hi
kum 1990, January 14-a piang a ni d. Pastor-in
that hmuqah hmuqah ngahlin Bialta Pastor hmasa ber
chu Pu S. Lalbluma a ni.

(2) United Pentecostal Church : He Kohbran hi
Zemabawka din chhuakto chu Upa Biaksanga a niin

kum 1959 aţang khan Zemabawkah an awm ţan. Upa Licence Holder hmasa ber pawh Upa Biaksanga a ni. Tin, kum 1985 June 16-ah kohhran hnihah inţhenin, Vengpui kohhran chu a indang ta a ni. Kum 1988 April thlaah Zemabawk UPC Pastor Bial hi a lo ding ţan a. Pastor awptu hmasa ber chu Rev. R. Pahlira a ni.

3) Seventh day Adventist Church : He kohhran hi 1963 aţangin an awm ţan a, mi hmasate chu Pu Lai-thankhuma, Pi Vanlalzuii leh Dailovi te an ni. Mizoram a lo buai a, sawikhawm kan nih t  k aţang khan Zokhawsang kohhran Biak In nei tawh sa chu lo pheiin Biak In pawh an din ta a ni. Tunah hian Aizawl Town Pastor awpna hnuaiah an awm..

4) Zemabawk North Presbyterian Church : He kohhran hi kum 1984-ah khan Preaching Station angin an ding a, kum 1985-ah kohhrana puan a lo ni ta a ni. Biak In (Congrete Building) ţha tak an nei.

5) Penticostal Reform Church : He kohhran hi kum 1987 Feb 15-ah an ding ţan a, Church Board Chairman hmasa ber chu Upa Dangliana niin Secretary hmasa ber chu Pu Manmawia a ni. Biak In an la nei rih lo.

6) Evangelical Free Church of India : He kohhran hi kum 1985 Dec 12, khan Pu R. Bawih  huama hova din a ni. Upa Ordain hmasaber chu Pu Ngursiama a ni a, tuna an Biak In hmun hi Kum 1989 khan Biak In hmun atan Rochunga Pudaita in Rs 100,000 (nuai khat) in a lei sak a ni.

7) Baptist Church : He kohhran hi kum 1989 October 15 khan dia tan a ni a. Aizawl Town Baptist Church hruaiah awmin tunah Biak In an la nei rih lo. Zemabawk Baptist Church hruaitu hmasate chu : C. Lungmuana Chairman, Pu Ngurlanzuala Secretary Pu Zahnuna Asst. Secretary leh Pu Zokunga Treasurer te an ni.

8) The Salvation Army : He pawl hi kum 1952 atangin Zemabawkah an awm tan a, a din chhuaktute chu : Pu Zokhawsiana leh Pu Hmangaiha te an ni. Zokhawsang Corps hnuaiah an awm a. Field Helper Thanzama'n a awpa. Kum 1954 June 15-ah Zemabawk Corps tih a lo ni ta a. Officer-in an awp ta a ni. Officer awm tawhte leh an awm kum te :-

(1) 1953-ah Capt. Hualhnuna (2) Capt. Kharbawiha 1953. (3) Maj. Siana 1954-65. (4) Maj Vanpui-khuma 1965-1975. (5) Maj. Hrangdawla 1975-1980. (6) Maj. Hmunhluna 1980-1983. (7) Maj. Tlanglawma 1983-1986. (8) Maj. Hranglianchhunga 1986—

22. ASSOCIATION HRANG HRANGTE

1) ZYMA : Zemabawk YMA hi kum 1948-a ding tan a ni a. President hmasa ber chu Pu Lama, Secretary hmasa ber chu Lalvuana niin reilotē a tang huan tihah Pu Lalhlahlovan a thlak leh ta a ni.

2) GAMES & SPORT : Kum 1952-ah a ding tan a, President hmasa ber chu Pu Rochungnunga niin Secretary hmasa ber chu Pu Laichhinga a ni.

3) Village Defence Party: Kum 1962-ah din tan a ni. President hmasa ber chu Pu R. Chawngkhuma a ni.

- 4) Co-op-Society : Kum 1967 ah din a ni a, President hmasa ber Raltawna, Secretary hmasa ber Bawihluanga MLA.
- 5) Teacher Association : Kum 1973-a din a ni a, President hmasa ber Pu Laichhinga (L) Secretary hmasa ber Pu H. Tlanglianruma
- 6) M.H I P : Kum 1974 May thlaa ding tan a ni. President hmasa ber chu Darliani a ni a. Secretary hmasa ber chu Thangpari B.A a ni. Office Bearer tang rei ber chu Darliani niin a zawnin kum 16 a tang.
- 7) Upa Pawl : Kum 1974 March 3-ah din a ni. President hmasa ber chu Pu Makkhama niin Secretary hmasa ber chu Pu Lianzika a ni.
- 8) The Young Stars (Musical Group) : Kum 1975 Oct 26-a din a ni, a dintu leh Manager hmasa ber chu Lalchhuanmawia Hnamte a ni a. Secretary hmasa ber chu Lalchungnunga a ni. Manager leh Secretary hian chawl lovin Kum 15 chhung he pawl hi an kaihrui tawh.
- 9) Ex-Servicemen Assn : Kum 1978 Nov 12-a din a ni a, President hmasa ber leh kumina nilai chu Pu Vanpuilala a ni. Tin, Secretary hmasa ber chu Lalhleia a ni a, tunah chuan Aithangpuia a ni.
- 10) Jhuming Association : Din kum 1980 Sept. President hmasa ber F. Lalrimawia. Secretary hmasa ber. H. Lalkima.
- 11) Mistiri Assn : Din tan kum 1981 March 13. President hmasa ber Pu V. L. Lawma. Secretary hmasa ber chu Pu Masthanga.

- 12) Zembawak Badminton Club : Din kum 1982 Jan. 1. Dintu leh President hmasa ber Lalchhuanmawia Hnamte, Secretary hmasa ber Lalchungnunga.
- 13) Pangang Khawi Assn : Din kum 1983. President hmasa ber Pu R. Tlanga Secretary hmasa ber Zakhuma
- 14) Social Forestry Assn : Din kum 1984. President hmasa ber F. Lalrimawia Secretary hmasa ber Pu H. Lalkima.
- 15) Fisher Association : Din kum 1984 April. President hmasa ber R. Tlanga, Secretary hmasa ber Thangsavunga.
- 16) Electric Consumer Assn : Din kum 1984. President hmasa ber leh dintu K. Biakliana, Secretary hmasa ber Pu Thangsavunga.
- 17) Teak & Eucaliptus Planter Assn : Din kum 1987. President hmasa ber F. Lalrimawia, Secretary hmasa ber Pu Lalruma Sailo.
- 18) Sazuar Assn : Din kum 1987 Aug 15. President hmasa ber Pu R. K. Vanlalmuana, Secretary hmasa ber Darchhuanthanga.
- 19) Gardener Assn : Din kum 1988 March 13. President hmasa ber Pu Vanpuilala, Secretary hmasa ber K. Lalsiama.
- 20) Dawrkai Association : Din kum 1988 Oct. President hmasa ber Pu V. L. Lawma, Secretary hmasa ber Lalruma Sailo.

21) In hmun neilo Assn : Din kum 1989 April 9. President hmasa ber H. Lalropuia, Secretary hmasa ber Pu Vanlalthara.

22) Carpentry Work Assn : Din kum 1989 President hmasa ber H. Lal Thantluanga, Secretary hmasa ber Pu R. Tawnvela.

23) PHE Water Connection Consumer Assn : Din tan kum 1989 Dec 31. President hmasa ber Lalruma Sailo Secretary hmasa ber Saingura Sailo.

Heng a chung a Association hrang hrang atang hian kan vengin hna peng hrang hrang kan thawh pui deuh deuhthe leh kan tuina lam kawngte chu a a briat theih ang chu maw.

23. SAWRKAR DEPT. HRANG HRANGTE

1) Sericulture Dept. : He Dept. hian puithan takin hna an thawk a, pangang khawi training-na hmun-pui a ni. Muga Egg Breeding Farm puitham tak an siam bakah Reeling & Spinning lamte an thawk bawk.

2) Post Office : Kum 1953 khan Branch Post Office hawn tan a ni a. Post Master hmasa ber chu Pu Sialagena a ni. Kum 1975 atangin Sub Post Office-ah hlankai a ni a. He Sub-Post Office hnuaiah hian BPO 11 a awm. Tuna Post Master nilai chu Pu Ngurliana Sailo a ni. Tin, he SPO Pin Code No chu 796017 niin Phone Number chu 3314 a ni a, a duh apiang tan hman theih a ni.

3) Health Dept. : He Dept. hnuaiah hian Dispensary leh Health Sub Centre hawn a nih bakah Zoram

puma TB Hospital awm chhun chu kum 1976 Aug. 16 khan UT Chief Minister hmasa ber Pu Ch. Chhunga'n a hawng a, damlo khum 57 awm theibna a ni. Doctor hmasa ber chu Dr. Lenghai (Zapa) a ni.

4) Social Welfare Dept. :- He Dept. hian Pu Bialzauva Building-ah Naupang Tan In (Remand Home) a hawng a, khaw hrang hrang atanga lo kal 20 vel chu an awm reng.

5) Industries Dept :- Zemabawk Khadi & Village Industry (KVI) Board hmunpui a ni a, Multi-Disciplinary Training Complex hi ni 20.4.'89 khan an luah tan a ni. Changel hmangin hruizen an siam a, Sah-bon siam, Theitui sawr, Tel siam etc. zirna hmunpui a ni a. Hemi en tur hian sawrkarin Excursion-in mi a rawn tir thin.

6) PHE Dept. :- He Dept. hian thal laia tui an sem thin bakah chhungkaw 72 hnenah Tui Connection an pe tawh a, tunah hian Zemabawk tan Tuizem lian pathum, Tui Gallon 120000 (Nuai khat leh sing hnih) dawng an nei. Tin, Air field Veng tan tuizem lian dang an hung bawk.


7) Central Water Commission (CWC) :- He mite hian Pangen ram chu hmunpuiah nejin thuthmunah an hmang a, Executive Engineer pathum lain an awp. He mite hian Mizoram hmun hrang hrangah Kawlphetha tih chhuahna turin tui an khuap thin a ni.

8) Forest Dept. :- Check Gate an neih bakah Tui-riah huan zau tak an nei.

25. MI NAMAI LOTE

1) Hausak lamah :- Kan khaw mi, Mizoram pum hriata hausa hmingthang awmchhun chu Pu Hauva hi a ni.

Pu Hauva hi Pu Hira leh Pi Dari te fa, upat lam a-
tanga chhiara pathumna a
ni. Kum 1912 khan Zema-
bawc khuaah piargin Ze-
mabawkah vek a seilian a. A pa Pu Hira hi tunhmaa
Zemabawka Bawng ngah ber leh Buhfai zuartu lian
ber a ni thin.



Pu Hauva

Pu Hira te hi Zemabawc luahtu hmasate zinga mi
an ni a, thingtlanga mi buhfai leh buhhumte Bawnga
phurin Aizawl khawpuiah an bralh leh a, tam zual
lai phei chuan an buhfai lei tur hian Aizawl leh a
chhehvel khuate Zemabawkah an lo kal huai huai
thin.

Pu Hauva hi tlangval tlawmngai tak a lo ni
tawh thin a. Zemabawc hnawhdarh a nih a, mi
tlemte chauh Zemabawc luablumtu an awmlai te
pawhin, mi zawn ni khuahte Zemabawc tana theih-
tawp lo chhuah a, a kul a taia lo tang tawh thin a ni.

Kum 1940 atanga kum 1947 thleng sipai (Army
Medical Corps)-ah a tang a, kan khuaa sipai tang
hmasa ber pawl a ni awm e.

Sipai atanga a ban hnu hian an hna pui ber Bawng hmanga buhfai chekkhaw! hna chu taima takin a thawk leh a, an taimakna leh thawhrimna chu Pathianin malsawmin an sumdawnna chuan len lam a pan zel a. Tichuan, kum 1970 khan Bara Bazara a building hmun hi Vai pakhat Ramkutty-a hnen atangin cheng nuaikhat-in a lei a, tuna a building ropui tak hi kum 1977 khan a lo sa ta a ni. He a building hi State Bank leh Rural Bank ten an luah bawk.

Pu Hauva te hi Bawng vulh leh buhfai thiara chhekkhaw!tu an ni thin uain an sumdawnna a lo len tak zel avangin Bawngvulhte pawh chu titawpin, Dawr bungraw zawrh lamah nasa takin tan an la ta zawk a, tichuan tun dinhmun hi thlengin. Zoram pum briat lar sumdawng hausa hmingthang a lo ni ta a ni.

Tin, Pu Hauva hi fanau enkawlina lamah pawh mi hlawhtling tak a ni bawk a, a fate mi puitling tak vekah a ohuah a ni. A fanu pahnihte phei chu Air Hostess-ah tangin Bombay-ah an khawsa thin a, an chenna atan Bombay-ah hian In. chhawng pindan (flat) pahnih lian tawk leh changkang tawk tak a lei sak nghe nghe.

Pathianin fanau rochan a pekte chu an upat dan indawtin heng mite hi an ni :-

1. Thantluanga : Ani hi Scooter leh Bike Dealer leh motor (Mitsubishi) Dealer a ni.
2. Thanmawii : Ani hian a nu hming chawin dawr a niam a, Bara Bazara Lianchhungi Book Store hi a ni.

- 3) Thanchungnungi : Ani hi chu tunah London-ah awmin Sap pasal a nei a ni.
- 4) Thansanga : Tuna an dawr enkawltu a ni.
- 5) Thanhkira : Ani pawh hi an dawr enkawltu a ni.
- 6) Thanzuali : Ani hi Air Hostess-ah t̄angin Air India-a thawk thin a ni a, tunah chuan Sap pasal neiin Paris-ah a awm.
- 7) Thanzami : Ani hi nula hmeltha tak leh pian nalh tak a ni. Tunah Air India-ah Air hostess thawkin Bombay-a a In-ah a cheng.
- 8) Zothanpari : Ani hian Bazar Bungkawh-ah Video Cassette Library a siam a ni.


Tin, Pu Hauva hi mahni khaw hmangaihtu tak a ni a. Chuvangin, tun thlengin a hmun lo ramah pawh chhungkaw engemaw zat chu kan cheng mek a, tin, a Bawng In hmunte pawh Zemabawk Sazawrhna Bazar hmunpui ber a ni. Tuna Mizoram pum hriat l̄ar, Zoram mi hausa a lo ni ta hi Zemabawk khaw mipuiten kan chhuang em em a ni.

2. Sakah lamah : Pu Hrange (Kapsanga Pa) hi Zemabawk khaw Pasaltha-ah chuan sa k̄ap hnem ber a ni awm e. A sa kah zawng zawng chu 750 lai a tling, chung zingah chuan Sakei 4, Sai 6, Ramsial 1, Savawm 50 leh Nghal chang 70 a k̄ap tel bawk. Kum 1975 Oct. 20 khan kum 99 mi niin Zemabawk-ah a boral.

3. Damrei lamah : Pu Zohlunthanga (Babu-a) hi Zemabawka Mipa dam rei ber Record a ni. Kumin 1990 hi kum 106 a tlinna a ni tawh. Fa 4, tu 20 leh tuchhuan 40 a nei a ni. (YMA ENG. Berkai Contest '89).

Tin, Zemabawka hmeichhe damlai zinga Upa ber Record chu Pi Thangchhuahzang (Lubuki) a ni a. Kum 1990 hi kum 103 a tinna a ni. Fa 7, tu 34th leh tuchuan 62 a nei a ni. (YMA ENG Berkai Contest '89).

4. Tirkoh lamah :
Pu Laithankhuma hi Zemabawk khua, Tirkoh tang rei ber a ni. Chanchintha hrilin Mizoram pum a fang chhuak tawh in, mite ngathsan leh hrar lar tak a ni baw. Hna a thawh that avangin, Indiana Polis (USA) a Seventh day Adventist khawmpui lian ber (General Conference)-ah pawh Palai atana sawm a ni hial a. A zu tel nghe nghe.



Pu Laithankhuma

Pu Laithankhuma hian Holy Bible vawi 20 a chhiar chhuak tawh a, Pathian thu hre tak a nih bakah a nunpui hle.

Sermon thiam tak a ni. Bible zirtirna a pekte hnenah Holy Bible 2233 a sem tawh a, a rawngbawlnah Baptisma chang mi 453 an sawm tawh. A rawngbawlna atangin mi 558-ip Sabbath Sikul Member an zawm a, Sabbath Sikul hmun thar 16 zet leh Biak In thar 8 lai a diapiu tawh.

Pu Laithankhuma hian kum 1967 April thla

atängin Tirkoh hna hi a thawk tan a, a tirah chuan hlawh nei lovin, mahni inpumpekna leh mahni sum sengin he hna hi a thawk a. Tunah chuan SDA Missionin thla tinin Lawmman an pe ve ta. Tirkohah hian kum 23 zet thawk tawhin tunah pawh hian a la thawk chhonzawm zel a ni.

25. CHANCHINBU LAM DINHMUN

Kan Vengah hian tualchhung chanchinbu kan ngah ve viau chang a awm, amaherawhchu political party lam chanchinbute chu inthlan boruak a daih deuh hnuah an tawp ve leh mai thin. Tunah hian kohhran lam chhuah, chanchinbu 3 PYD, Jubilee Eng, Elshadai te chu kar tinin a chhuak thin a; tin, ZYMA Branch chhuah YMA ENG Weekly pawh kar tina tih chhuah a ni.

Kan Veng mi chanchinbu lama thu ziaik tam deuh ber chu Pu Lalchhuanmawia Hnamte a ni awm e. Aizawl chanchinbu hrang hrang Zoeng, MZP chanchinbu etc. ahte a thu ziaik hmuh tur a awm. Tin, Zohawi chanchinbu, Saitualah Editor a ni tawh a; Saitual Times chanchinbu din chhuaktute zinga mi niin hun rei tak Saitual Times-ah Joint Editor a lo nih tawh bakah, Suangpuilawn chanchinbu 'SYMA'-ah New's Editor lo ni tawhin, Zemabawk chanchinbu YMA ENG ah pawh New's Editor a lo ni tawh.

Tin, kan Venga chanchinbu (vantlang huap) lo chhuak tawhte chu hengte hi an ni :—

1. Tunlai : He chanchinbu hi kan Venga chanchinbu chhuak hmasa ber a ni a. Kum 1964 khan Zema-

bawh Youngers Club (JYC) ten Copy 50-80 velin an chhuah thin a, Typewriter a awm loh avangin Pu R. L. Lianzuala'n kutin a ziaik thin.

2. Chawngmawii: He Chanchinbu hi Zemabawh Youth Organization ten kum 1976-1979 vel khan Copy 200-300 velin an chhuah thin a. Editor chu Pu H. Lalkima a ni. Tin, he chanchinbu hi sawrkar Registration nei a ni.

3. Zomawi : He chanchinbu hi kum 1979 khan ZYMA Group 'G' te chhuah a ni a. Editor chu R. Lalengmawia a ni. Copy 200-300 velin chhuah thin a ni.

4. Ram entu : He chanchinbu hi Lalenglana Hnamte (Editor) chhuah a ni a. Kum 1981-1982 vel khan Copy 250 velin a chhuah thin.

5. Hruaitu : Kum 1984-1985 khan Govt. Employee Association-in an chhuah a. Editor te chu, C Lalchhandama, Lalrema Colney leh K. Lalrozamate an ni.

6. Companion : He chanchinbu hi kum 1986 khan Zemabawh H/S in Copy 250-300 velin an chhuah thin a, Editor chu Pu Zalawra Hnamte a ni.

7. Ohhimbai : Kum 1988 khan Copy 250 velin chhuah a ni a, Editor chu L. B. Varte a ni.

8. YMA ENG : Hei hi kum 1987 atanga chhuah tan a ni a, copies 300-400 inkar vela chhuah nin chutih laia Editor chu Pu Zalawra Hnamte a ni a; tunah copies 500 vela tib chhuah a lo ni tain tuna Editor chu Pu H. Lalkima a ni a, ani hian kum 1988 atangin a chhuah tan a ni.

26. LEM ZIAK (Artist)

Heng mite hi Zemabawk Veng chhunga Lem ziak thiam kan neih lâr deuh deuhthe chu an ni.

- 1) Pu Lalmangaiha (Thlanlung, Sign board ziah)
- 2) Pu R. Lalsangliana (Sign board ziah)
- 3) Tv. Zonunsanga (Zodin Artist) Sign board, Thlalak & milem
- 4) Tv. Lalnunmawia (Sign board, milem)
- 5) Pu Lallawma (Sign board)
- 6) Pu H. Saptawna (Sign board, Milem)
- 7) Pu Manliana & Pu R. Bawithuama (Thlanlung)
- 8) Pu Masthanga (Thlanlung)
- 9) Pu Lahmunsiama (Sign board)

Note :- Zonunsanga (Zodin Artist) hian hna dang thawk lovin lem ziah hi eizawn nan a hmang a ni.

27. ZIRNA LAM DINHMUN

Kum 1911 khan kan Vengah zirna in hmasa ber chu Pioneer Damdawi in tlângah khian a ding a. Beraw khua atângte pawhin Sikul an rawn kal thin. Amah-erawhchu tun hma Sikul chu tunlai ang hian a mu-mal thei tak tak vak lo va, mipuiin zirna ngaihsanna châng an la briat loh vang a ni.

Mizoram Urban Census 1977 a mi angin, kan Vengah hian mihring 5751 kan awm a, chung zinga mi 4097 chu ziak leh chhiar thiam kan ni. A thiam lo 1654 lai awm hi chu naupang leh rualbanloke bak ah hnam dangte pawh an nih a rinawm.

Kum 1958 khan Kawn Vengah Zokhawsang leh Beraw khuate huapin Middle School hawn tan a ni a. Kum 1959-ah chuan tuna Engeneer awmnaah Sikul sak a ni ta a. Headmaster hmasa ber chu Pu Laichhinga a ni a, kum 1958-1982 Sept. thleng a thawk a, buai hma chuan Pu Chalhmingthanga (L) zirtirtu nen an thawk dun thin.

Kan Vengah hian Matric pass kan thathnem ve deuh hlek tawh avangin ziah sen a ni lo va, Hindi lam Matric pass pawh 10 chuang lai an awm tawh. Kum 1984 khan kan khaw mi, Lalthiamsanga Sailo chuan ZHS atangin HSLC First Division First-ah a passed. Tunah BE a zir mek. PC Chawithuama'n B.Pharm a zir mek bakah, Tv. Lalrotluanga'n BV. Sc & A.H. Vety a zir mek a, tin, Tv Lalbiaknunga'n B. Sc Ag. a zir mek bawh, B. Sc Ag. hi kum 1983 vel khan H. Manthanga leh Lalthanvula'n an lo zir chhuak tawh bawh. Tunah hian JE leh thil dang Training lai mi engemaw zat an awm. Tin, College Zirlai ten College Students Union tha takin an din bawh.

Zemabawka English School hmasa ber chu kum 1973 khan Pu R.K. Sangliana'n a hawng a. Tin, tuna Sap sikul awm lai mek chu Pu K. Lalmuana'n kum 1981-a a hawn tan, L.M. Residential English Medium School leh kum 1986-a Pu W. Anand Singh-a hawn St. Xavier's English School te an ni a. Nursery atanga C.M. Hsing zirna a ni.

Tunah hian kan Vengah Govt. P/S 4, Govt. M/S 1, leh Dificit M/S (R.K. Middle Sikul) bakah High School 1 a awm bawk a. H/S hi kum 1968 Feb 15, khan Private-a din tan a ni a, Headmaster hmasa ber leh tun thlenga mi chu Pu R. Lianhlira B.A.,B.T. a ni. Tin, zirtirtu hmasate chu Pu Zachhunga, Pu Sangmawia leh Pu Liazuala te an ni.

28. YMA HUANG

Kum 1948 khan kan Vengah YMA a ding tan a. President hmasa ber chu Pu Lama , niin. Secretary hmasa ber chu Pu Lalvuana a ni a, mahse reilote hnuah Pu Lalthlahlova'n Secretary chu a thlak ta a. Tin, sawikhawm kan nih khan YMA Branch chu a lo lian ta hle a, chutih laia hruaitute chu, President Pu Chalhmingthanga, Secretary K. Lalmuana, Vice President K. Zapa Asst. Secy. Roliana, Treasurer NI. Zaikungi leh Fin. Secy. Thangchuanga te an ni.

ZYMA Branch chu 1980 May 10, hma lam kha chuan Area 4, Nothern Area, Southern Area, Eastern Area leh Western Area-ah te then a ni a, chumi hnuah Area 8-ah then a lo ni ta a. Kum 1990-ah chuan Area Pahnih, Rokunga Area leh Kamlala Area te a lo piang leh a, tichuan tunah Area 10 a lo ni ta a ni. Tin, kum 1985 June 15 khan, Rokunga Area thin chu Thuampui Branch tiin a indang a ni.

ZYMA Branch-ah hian Pu Lalchhuanliana chuan kum 1976-1985 chhung khan a zawnin Office Bearer-

ah tângin' hruaitu hlun' Certificate a dawng. Tin, Pu Tlanghianruma'n kum 1972-1976 chhung khan a zawnin' President hna a chelb tawh. Tin, Nula Zikpuin' kum 1986 a tanga kum 1990 thleng hian a zawnin Treasurer hna a chelb bakah Pu H. Biaklana chu kum 1981-1990 thleng Office Bearer-ah a tâng.

Tin ZYMA Branch Library hi Zoram puma hawn that ber a tling, a enkawltute chu Pu Malsawma Pautu Librarian leh C. Lalthanthuama Asst. Librarian te an ni. Tin Golden Jubilee Lung hi Zoram puma a lian ber nia hriat a niin, a sei zawng ft.14, a blai zawng ft. 3 leh a chhah zawng Inches 10 a ni.

Area hrang hrangte hming put chhante chanchin dangpui:- 1) Kamlala (Kum 1902-1965) : Kum 1921-ah M.E. Sikul a zo a, zirtirtu-ah a tâng thin. Mizo kristian hla phuahtu hmasa pathumna a ni. Kawnpui lam mi a ni a, a hla phuah thenkhatte chu, Hlimna ni ropui chu a eng, Tapin an rum ngai lo, Ka tho ang a, ka pa hnenah ka kal teh ang, Tunah a thar hmangaihna eng nuamah, tihte a ni. Tin, Leilung sam 'engtinng'e' tih pawh a lar hle.

2) Vankhama : Kum 1906-1970. Ani hi Aizawl Bara Bazara mi a ni a. Mizo hlaphuah thiam larte zinga mi a ni. Zai leh tum rik (Music) ngaina tak a ni a; tin, mi hlei tling Ft. 6 leh Inches 2 a tâng a ni. "Kum sul lo vei puan ang lo thar leh ta," tih hla leh "Zawikhaw nra lung del del chite lui tui," tih hlate bakah Radio a a fanu Vanlahruati leh Vanhlopui

hla sak tam tak hi a hlaphuahte an ni. Tin, a fateho pawl, 'The Van Group chu Mizorama Music thiam ber pawl an ni.

3) Rokunga : (Kum 1914-1969) Hlaphuah thiam lâr berte zinga mi a ni baw. Aizawl Venghnuaia piang a ni. Kum 1931-ah M.E. Sikul a zo a, kum 1934-1969 thleng Synod Press-ah a thawk. Hla 120 vel a phuah. A hlaphuah thenkhatte : Kan chatuan Pa lënna rûnah, Kan zotlang ram nuam, tihte a ni.

4) Hrawva : (Kum 1891-1956) A naupan laia a nu leh pa thihsan 'FAHRAH' a ni a. A u, Makthanga enkawl na hnuaiah sikul a kal ve tang tang a, tichuan kum 1924 khan Mizo zinga B A pass hmasa ber niin, Calcutta College atangin Lianhnuna nen an pass rual a ni. Boys M.E. School-ah Headmaster a ni thin. YMA din tirhin, Committee member niin nasa takin YMA tan a lo thawk tawh thin. Kum 1942 khan a u Lalna rochungin Aizawl Veng tam tak chungah Lal a ni. A hlaphuah thenkhatte :-

(1) Ngaiteh, kum hlui mual liam tur hi (2) Hma loh ram lentupui cham dël. (3) Ngaiteh vawjin van lal fapa, tihte a ni.

Vanapa : Kum 1900 hma lam mi a ni. A hming tak chu Thangzachhinga a niin Chawngthu Vanchiau hnam a ni. Pasałtha a nih bakah a lârna ěm ěm chu a zaidam vang a ni. Lalsavunga khua Hlimen pasaltha hmingthang a ni a, râl beihnua a chet that thin avang leh rorel a tbiam ěm avangin an Lal, Lalsavunga chuan a ngaisang hle thin.

Ni khat chu, Thlangra a tah lai chu, tlangval pakhatin lak sakin a thlawh sak daih mai a, ani chuan aw nem deuh in, 'Diai diai tak, ka chhar leh mai ang,' a ti mai a. Vawi khat leh pawh mi pakhatin a chem hman lai chu la lawkin a Thlangra chu a sah chhiat sak ta vek mai a. Vanapa chuan thinrim haub lo hian 'Naktakah mau ka pu anga ka tah leh mai a ni ang chu,' a ti dam thluam mai a ni. Hman lai chuan Ral an tam a, mi-an thlamuang tak tak thei lo va, Vanapa chuan, 'Khuaah pawh Veng hmawr berah ka awm ang a, a laiah mi chbia leh hmeithai awm rawh se,' a ti thin. Mipui a thlamuan zo hle thin.

6) Chawngbawla : Ani pawh hi kum 1900 hma lam mi a ni. Chhim lam pasaltha hmingthang a ni a, mahse a uang ngai lo. Vawi khat chu Zu inna-ah mikhuat tlangval pakhat hian, 'Thiana nang engzatnge sa bawp i man tawh?' a ti chhen mai a, a tawpah chuan inthlathrunng tak hian 'Sawi tham ka la man lo, vawi khat chu Savawm ram tla lai bawp ka man a, Sakei chho sang kai lai ka man bawp, chu chauh chu a la ni, lungthu pawh ka la kim ve lo asin,' a ti a. A chotupa chu ngawi rengin a put chhuak ru ta zal zal mai a! Tum khat chu, 'Ka aia huai hi chu lu zuar an ni, dama chhuak an awm lo a ti a, chu chu a uan thu hriat tur awm chhun nian an sawi. A lo tar chhak lo ta a, mahni khum laizawla ka han thi tur hi ka va han hreh em! a ti vawng vawng mai a ni.

7) Khuangchera : Ani hi kum 1890 hma lam mi a ni. Reiek khaw pasaltha huaisen a ni. A mit mengah a huaizia chu a hmuh theih mai a ni an ti. Naulpan lai atanga mi huaisen a ni a, vawi khat chu a pain fiah nan a sum suibnaah a hruai a, thing hâr chuan a hmaiah a cheh per ta sawk sawk mai a, Khuangchera chuan mit pawh khap lovin a pa chu a en reng mai a, a pa pawh chuan, "An sawi ang che chu i lo nih hi maw," a ti ta thlâwt a.

Sakei hliam beih ngaihna an hriat loh khawpa hlauhawm pawh hi Khuangchera bulah chuan mang-angin an phi ruai zel mai a, Ui kawlhate pawh hian Khuangchera an hmuh chuan an khup dai dai mai a ni. !!

Mizoram Vailian sipaibo kha Changsil kulbah a thiante nen an kâp a, a thiante an thih tawh hnuah pawh amahin a bei zel a, amah chaub a ni tawh tih an hriatin a man a man an tum a, chungte pawh chu a lo kâp hlum zel a, a tâwpah chuan silai hlo a nei ta lo va, a rawn man tumtute pawh chu chempui nen lo bein an kut a lo hlawi phiar phiar mai a; mahse, a tâwp a tâwpah zawng an that thei ve ta hrâm a ni. He tih hun lai hi kum 1890 October thla a ni. Khuangchera hi Mizoram leh hnam chhana a nun hlântu, hnam pasaltha huaisen a ni.

8) Taitesena : Tlawngaihna lama mi hmingthang a ni. Kum 1880 khan Khawrihnimah a piang a, a hming tak chu Ralhtatchhunga a ni.

Tum khat chu an ramvahnnaah pa pakhat hian, 'He lung chu Lungtatah ka va han dub em,' a ti a. Taitesena chuan chu lung chu a rûktê-a ah haw sakin

In thien hnu chuan, "Hei lungtāt i duh tak kha ka ah haw sak che asin," tiin a va pe ta mai a, chu pa chu a zakin a brilhbai hle e an ti. Tlangyalhote hien Taitesena awm lai chuan naupangte hi an tir tha ngam lo, a kal khah zel mai si a; "Taitesena kan tir a ni mai si," an ti thin !

Hnungzānga khawihlipui vei chungin na lo ang chiahin thiante zingah a ram chhuak a, bawmrang kharas a phur hāwng kawtchhuahah an lo chhāwk a, a khawihli hnai leh bawmrang innāwk vel leh a khawihli keh pēr pūrte an hmuh chuan khawihlipui a vei tih an hre chauh a ni.

Ram riahnāhte hian mi thawh hmāin rawngte baw zovin, a tul apiang a lo tizo diam hman zel a ni.

Vawi khat chu, suai huaia an sawi Chalruanga hian, "Ka vel ang che, ka bēng dawn che," a lo ti mai pek a, ani chuan, "Suzukin Sakeite, 'ka vel ang che, ka bēng ang che' han tihte chu a zahthlak mang e, i duh tak tak a ni maw?" tih leh, din a rual ta mai a. Chu pa chuan a cho leh ngam ta lo va. Sakel hliam hualnaah Taitesena chuan, "Thiante inhlam a, engatinge kei ka hliam ve loh pawnfēn tēng tlak ka lo nih hi," tiin, upate vawn beh chung chu tēl putin, Sakel chu a bawh ta a, a vanduai phah ta nghe nghe a ni. He a thih kum hi 1902 May thia kha a ni.

9) J. F. Laldailova : Ani hi Aizawl Tlangnuam Veng a mi a ni a. Mizo zinga Mizotawng leh Saptawng thiam berte zinga mi a niin lehkhabu lehlin thiam bera ngaih a ni. A kut chhuak hnāmro tling kan neihte zinga pakhat chu 'DICTIONARY BU' a siam hi a ni. Kum 1980 khan min lo boralsan ta a ni.

10) Aihniara : Ani hi Mio zinga tūanrang bera sawi a ni. 'Kawlphe ai pawhin a rang zawk,' tih a ni thin. Tum khat pawh an khua Selesih atāngin ram chhuakin a kal a, Chipuikhurah a pa dam loh thu an lo hrilh ta a, chuta In lam pana a kal thu a chak khawp a, a Ui kaih chuan a chāng chāngin lei a rap ve zauh zauh a ni an ti.!!

29. ZEMABAWK LALTE INLAICHIN DAN

- (1) Khawzanghina Pa - Rohrenga.
- (2) Rohrenga Pa - Thanruma.
- (3) Thanruma Pa - Suakpuilala.
- (4) Lalhrima Pa - Suakpuilala.
- (5) Lalsavunga Pa - Suakpuilala.
- (6) Siamliana Pa - Lalhrima.

CHAWHPAWLH HUANG

- * Zamabawk-a Electric chhit tan kum 1976.
- * Kelpu Veng, Thuampui Veng tia thlak kum 1978.
- * Khaw chung kawngpui Black Topping 1981.
- * Tuallai Bazar neih tan 1982.
- * Voter : Vote nei thei chin kum 21 ni thin chu kum 1990 atangin Sawrkarin kum 18-ah a tibniam a, tunah hian kan Vengah kum 18 chin vote nei thei mi 3973 kan awm.
- * Serthlum huan : Pu Pahanga Venglai chuan Serthlum huan hlawhtling takin a siam a. Serthlum kung 650 nejin a kum khat tharah ringawt cheng Nuaikhat leh Singli (Rs 1,40,000) a lei. Pu Pahanga hi pa taima tak leh pasaltha a ni a, kan Veng-a Serthlum huan siamtu hlawhtling ber a ni.

- * Ar vulh : Zemabawk-a Ar vulhtu hlawhtling ber chu Pu John Clyde-a Falkland Veng a ni a. Aizawl khawpui Arsa-in a châwm a ni. Mizoram pumah pawh Private Ar Farm nei hlawhtling sawi tur an la awm loh laia Arsa hnianghnara min barh theitu hi kan chhuang hle a, amah hi Spicer College atanga Graduate ngat a ni nghe nghe.
- * Chhungkaw Thlân : Kan Venga chhûngkaw thlân nei awm chhun chu Pu R. Thangmawia Industry Square a mi a ni a. Cement Congrete-in Ruang 50 dah theihna turin Chhungkaw Thlân a siam a ni.
- * Tui verh chhuah : Kawn Veng-a Tui verh chhuah hi Zemabawk-ah kan nei hmasa ber a, kum 1988-a verh chhuah a ni.

ZEMABAWK HLA

1. Hāngi lunglĕn tĕng sĕng chuanĭr,
Ka thĭr a e, kan Bĕwk tĕngpui;
A nĭ a mĕwi, a mĕwi ngei e,
Tudang ngai lo va laiĕual kan lĕnna.
2. A nĭ, tudang ngai chuang lovin,
Bĕh zai kan rĕi, kan vangkhaw nuam;
Tah chuan kan chĕn, ZO KUT hunpui,
Lung kan ruai e, naufa zalĕng zĕwngte.
3. Lung a lĕng mĕng e, ruai ruai a,
Tiang rĕng chuan kĕwltu ka chĕwi zo lĕwng;
Tuhlvung koh thiam Hĕiva ka ngai,
Kĭr mai tang e, kan Bĕwk sumĕual nuamah.

Without memories of yesterday
 With all hopes and dreams,
 A meaningless today,
 An empty tomorrow.

Bernice C. Heisler

MIZORAM STATE LIBRARY
 Acc No _____
 Acc. by _____
 Class by *24.1.14*
 Cata. by _____
 Sub. Heading by _____
 Transcribed by _____
 Location No _____